

疫 風

癩痧疹癩 寒

風溫

痰 溫熱

痰飲

臨證指南醫案
卷五

臨證指南醫案目

卷五

風

寒

風溫

溫熱

暑

濕

燥

疫

癰痧疹癩

痰

痰飲

臨證指南醫案卷五

許關李

古吳葉

桂天士先生著

錫山鄒錦畹滋九全較

邵銘新甫

風

風傷衛

某二風傷衛寒熱頭痛腕悶

蘇梗 一錢

淡豆豉 一錢

杏仁 三錢

桔梗 一錢

厚朴 一錢

連翹 一錢

通草 一錢

滑石 三錢

某二風邪外襲肺衛畏風熱咳嗽腕悶當用兩和表裏

二

淡豆豉

一錢半

蘇梗

一錢

杏仁

三錢

桔梗

一錢半

連翹

一錢半

通草

一錢

風傷營衛
誤治

三

江五

六

勞倦過月

氣弱加外感

頭痛惡風

營衛二氣皆怯

嗽

則閃爍筋掣而痛

大凡先治表後治裡

世間未有先投

黃連清裏後用桂枝和表此非醫藥

當歸建中湯

體虛感風

〇

沈

虛人得感

微寒熱

參歸桂枝湯加廣皮

經云風為百病之長

蓋六氣之中

惟風能全兼五氣

如兼寒則風寒

兼暑則曰暑風

兼濕曰風濕

兼燥曰

風燥

兼火曰風火

蓋因風能鼓盪此五氣而傷人故

曰百病之長也

其餘五氣則不能互相全兼

如寒不

能

濕

燥

火

風

燥

故

曰百病之長也

其餘五氣則不能互相全兼

如寒不

能

濕

燥

火

風

燥

故

曰百病之長也

其餘五氣則不能互相全兼

如寒不

能

濕

燥

火

風


燥

故

能兼暑與火。暑亦不兼寒。濕不兼燥。燥不兼濕。火不兼寒。由此觀之。病之因乎風而起者自多也。然風能兼寒。寒不兼風。何以辨之。如隆冬嚴寒之時。卽密室重幃之中。人若裸體而卧。必犯傷寒之病。此本無風氣侵入。乃但傷於寒。而不兼風者也。風能兼寒者。因風中本有寒氣。蓋巽爲風。風之性本寒。卽巽卦之初爻屬陰是也。因風能流動鼓盪。其用屬陽。是合乎巽之二爻三爻。皆陽爻也。如炎歊溽暑之時。若使數人搦一人。其人必致汗孔閉。頭痛惡寒。骨節疼等。傷寒之病作矣。斯時天地間固毫無一些寒氣。實因所搦

之風。風中却有寒氣。故令人受之。寒疾頓作。此乃因傷風而兼傷寒者也。故有但傷寒而不傷風之症。亦有因傷風而致兼傷寒之症。又有但傷風而不傷寒之症。有因傷風而或兼風溫風濕風燥風火等症。更有暑溼燥火四氣各自致傷。而絕不兼風之症。故柯韻伯所註傷寒云。傷風之重者。卽屬傷寒。亦有無汗脈繁。骨節疼諸症。此柯氏之書。所以能獨開仲景生面也。至仲景所著傷寒書。本以寒爲主。因風能兼寒。故以風陪說。互相發明耳。學者看書。不可不知此理。若夫臟腑一切內外諸風。各有現症。具載內經。尤當

詳考華岫雲



疏在潤肺

寒

寒邪客肺

某二客邪外侵。頭脹。當用辛散。

蘇梗

杏仁

桔梗

桑皮

橘紅

連翹

二。某

寒熱。頭痛。腕悶。

淡豆豉

嫩蘇梗

杏仁

桔梗

厚朴

枳殼

風寒傷衛

某二五復受寒邪。背寒。頭痛。鼻塞。桂枝湯加杏仁。

寒邪兼濕

某九時邪外襲。衛痺發熱。頭痛。先散表邪。

寒

四

淡豆豉

蘇梗

杏仁

厚朴

木防已

茯苓皮

寒客太陽膀胱

楊

二

太陽脉行由背抵腰外來風寒先傷陽經雲霧自下

經氣逆

及上經氣逆而病發致嘔痰涎頭痛小溲數行病解膀胱

氣通斯逆者轉順矣當通太陽之裡用五苓散倘外

感病發再議

勞倦陽虛感寒

某

八

勞傷陽氣形寒身熱頭疼腕悶身痛

杏仁 三錢

川桂枝 八分

生薑 一錢

厚朴 一錢

廣皮 一錢

茯苓皮 三錢

傷寒症仲景立法於前諸賢註釋於後先生雖天資

穎敏。若擬其治法。恐亦不能出仲景範圍。其所以異於庸醫者。在乎能辨症耳。不以冬溫春溫風溫溫熱濕溫伏暑。內傷勞倦瘟疫等症。誤認爲傷寒。其治溫熱暑濕諸症。專辨邪之在衛在營。或傷氣分。或傷血分。更專究三焦。故能述前人溫邪忌汗。濕家忌汗。當用手經之方。不必用足經之藥等明訓。垂示後人。此乃先生獨擅見長之處也。若夫傷寒之書。自成無已。註解以後。凡註疏者。不啻數百家。其尤著者。如嘉言三書。景岳書。傷寒三註。四註等篇。近有柯韻伯來蘇集。傷寒論翼。方翼。王晉三古方選註中。所解一百十

三方。諸家析疑辨義處。雖稍有異同。然皆或登仲景之堂。或造仲景之室者。業醫者。當日置案頭。潛心參究。庶乎臨症可無誤矣。華岫雲

傷寒一症。內經云。熱病者。皆傷寒之類也。又曰。凡病傷寒而成溫者。先夏至日者為病溫。後夏至日者為病暑。又曰。冬傷於寒。春必病溫。其症有六經相傳。併病合病。兩感直中。難經又言傷寒有五。有中風。有傷寒。有溼溫。有熱病。有溫病。其所苦各不同。再加以六淫之邪。有隨時互相兼感而發之病。且其一切現症。則又皆有頭痛發熱。或有汗無汗。或惡風惡寒。不食。

倦卧煩渴等。則又大略相同。故其症愈多。其理愈晦。母怪乎醫者臨症時。不能灼然分辨。卽其所讀之書。前人亦竝無至當不易之論。將靈素難經之言。及一切外感之症。逐一分晰辨明。使人有所遵循。故千百年來。欲求一鑒垣之士。察六淫之邪。毫不紊亂者。竟未見其人。幸賴有仲景之書。以六經分症。治以汗吐下和寒溫諸法。故古人云。仲景之法。不但治傷寒。苟能悉明其理。卽治一切六氣之病。與諸雜症。皆可融會貫通。無所不宜。此誠屬高論。固深知仲景者也。然余謂六淫之邪。頭緒甚繁。其理甚奧。卽彙集河間東

垣丹溪。及前賢輩諸法而治之。猶慮未能兼括盡善。若沾沾焉。必欲但拘仲景之法而施治。此乃見聞不廣。膠柱鼓瑟。不知變通者矣。今觀葉氏之書。傷寒之法。固屬無多。然其辨明冬溫春溫。風溫溫熱濕溫之治。實超越前人。以此羽翼仲景。差可嘉惠後學。觀者

幸毋忽諸。

華玉堂

風温

風温傷
肺一

僧二五

近日風温上受寸口脉獨大肺受熱灼聲出不揚先
與辛涼清上當薄味調養旬日

牛蒡子

薄荷

象貝母

杏仁

冬桑葉

大沙參

南花粉

黑山梔皮

楊

脉左實大頭目如蒙清竅不爽此風温仍在上焦擬
升降法。

乾荷葉

薄荷

象貝

連翹

鈎藤

生石膏末

三〇 某 風温從上而入。風屬陽。温化熱。上焦近肺。肺氣不得舒轉。周行氣阻。致身痛腕悶。不飢宜微苦以清降。微辛以宣通。醫謂六經。輒投羌防。泄陽氣。劫胃汁。温邪忌汗。何遽忘之。

杏仁

香豉

鬱金

山梔

瓜萇皮

蜜炒橘紅

〇 葉

風温入肺。肺氣不通。熱漸內鬱。如舌苔。頭脹咳嗽。發疹。心中懊懣。腕中痞滿。猶是氣不舒展。邪欲結痺。宿有痰飲。不欲飲水。議梔豉合涼膈方法。

山梔皮

豆豉

杏仁

黃芩

瓜蒌皮 枳實汁

郭 風温入肺。氣不肯降。形寒內熱。胸痞。皆贖鬱之象。辛

凉佐以微苦。手太陰主治。

黑山梔

香豉

杏仁

桑葉

瓜蒌皮

鬱金

風温化燥熱

秦 六 體質血虛。風温上受。滋清不應。氣分燥也。議清其上

石膏

生甘草

薄荷

桑葉

杏仁

連翹

又 照前方去連翹薄荷加陳蒌皮鬱金梔皮

某 風火上鬱。耳後結核。目眦痛。

少陽風火

風溫傷陰

薄荷

牛蒡子

前胡

象貝

連翹

黑梔皮

赤芍

生甘草

某

風溫熱伏。更劫其陰。日輕夜重。煩擾不寧。

生地

阿膠

麥冬

白芍

炙草

蔗漿

馬三五 風溫熱灼之後。津液未復。陽明脈絡不旺。骨酸背楚。

治以和補。

生黃芪

鮮生地

北沙參

玉竹

麥冬

歸身

蜜丸

某

陰虛風溫。氣從左升。

桂枝湯加花粉杏仁

風爲天之陽氣。溫乃化熱之邪。兩陽薰灼。先傷上焦。種種變幻情狀。不外乎三陰爲病藪。頭脹汗出身熱。咳嗽。必然竝見。當與辛涼輕劑。清解爲先。大忌辛溫。消散劫燥清津。太陰無肅化之權。救逆則有蔗汁蘆根。玉竹門冬之類也。苦寒沉降。損傷胃口。陽明頓失循序之司。救逆則有復脈建中之類。大凡此症。驟變則爲瘧厥。緩變則爲虛勞。其主治之方。總以甘藥爲要。或兼寒或兼溫。在人通變可也。

邵新甫



温熱

肺 温邪入

某十二脈數暮熱頭痛腰疼口燥此屬温邪。

連翹

淡豆豉

淡黃芩

黑山梔

杏仁

桔梗

某

温邪化熱肺癰喘急消渴胸滿便溺不爽肺與大腸

見症。

淡黃芩

知母

鮮生地

阿膠

天冬

花粉

謝

積勞傷陽衛疎温邪上受內入乎肺肺主周身之氣

温熱

十

氣窒不化。外寒似戰慄。其溫邪內鬱。必從熱化。今氣短胸滿。病邪在上。大便瀉出稀水。肺與大腸表裏相應。亦由熱迫下泄耳。用辛涼輕劑為穩。

杏仁

桔梗

香豉

橘紅

枳殼

薄荷

連翹

茯苓

龔襪吸入溫邪。釀為肺脹危症。

蘆根

桃仁

苡仁

冬瓜子

施久患虛損。原寢食安舒。自服陰柔膩補。不但減食不寐。腕中常悶。渴欲飲涼。此口鼻吸入溫邪。先干於肺。悞補則邪愈熾。氣機阻塞。弱質不敢開泄。援引輕揚肅上。

兼以威喜丸淡以和氣。上焦得行。可進養胃法。

白沙參

苡仁

天花粉

桑葉

鬱金

兼服威喜丸

温邪劫津

王

温邪發熱。津傷。山糜氣穢。

捲心竹葉

嘉定花粉

知母

麥冬

金石斛

連翹

某

春温身熱。六日不解。邪陷劫津。舌絳。骨節痛。以甘寒

熄邪。

竹葉心

知母

花粉

滑石

生甘草

梨皮

丁 口鼻吸入熱穢。肺先受邪。氣痺不主宣通。其邪熱由中及於募原。布散營衛。遂為寒熱。既為邪踞。自然痞悶不飢。雖邪輕未為深害。留連不已。熱蒸形消。所謂病傷漸至於損而後已。桂枝白虎湯。

又 氣分之熱稍平。日久胃津消之。不飢不欲納食。大忌香燥破氣之藥。以景岳玉女煎多進可效。忌食辛辣肥膩自安。竹葉石膏湯加鮮枸杞根皮。

楊 伏邪發熱煩渴。知飢無寐。乃胃津受傷所致。擬進竹葉石膏湯加花粉。

葉 熱傷氣分。用甘寒方。白虎湯加竹葉。

○ 某 右脉未和。熱多口渴。若再劫胃汁。怕有脫痞不飢之

事。當清熱生津。仍佐理痰候邪。減便可再商。

麥冬

人參

石膏

知母

粳米

竹葉

半夏

○ 葉二仲景云陰氣先傷。陽氣獨發。不寒瘴熱。令人消爍肌

肉。條例下不註方。但曰以飲食消息之。後賢謂甘寒生津。解煩熱是矣。今脉數舌紫渴飲。氣分熱邪未去。漸次轉入血分。斯甘寒清氣熱中。必佐存陰為法中之法。

生地

石膏

生甘草

知母

粳米

白芍

竹葉心

營熱入心

毛十六温邪熱入營中。心熱悶。脇肋痛。平素痰火。與邪膠結。

致米飲下咽皆脹。老年五液已涸。忌汗忌下。

生地

麥冬

杏仁

鬱金汁

炒川貝

橘紅

馬少陰伏邪。津液不騰。喉燥舌黑。不喜飲水。法當清解。

血中伏氣。莫使液涸。

犀角

生地

丹皮

竹葉

玄參

連翹

陳○○熱入臆中。夜煩無寐。心悸怔。舌絳而乾。不嗜湯飲。乃

營中之熱。治在手經。

犀角
鮮生地
黑玄參
連翹

石菖蒲
炒遠志

又
鮮生地
玄參
天冬
麥冬

竹葉
茯神
金箔

又
陽升風動。治以鹹寒

生地
阿膠
天冬
人參

川斛
茯神
麥冬

張
營絡熱。心震動。復脈湯去薑桂參加白芍

熱邪入心胞
陸六高年熱病。入九日。舌燥煩渴。譫語。邪入心胞絡中。深

怕液涸神昏。當滋清去邪。兼進牛黃丸。驅熱利竅。

竹葉心

鮮生地

連翹心

玄參

犀角

石菖蒲

胡

脈數。舌赤。耳聾。胸悶。素有痰火。近日冬溫。引動宿病。

加以勞復。小溲不利。議治胞絡之熱。

鮮生地 錢五

竹葉心 錢一

丹參 錢一

玄參 錢一

石菖蒲根 分六

陳胆星 分六

顧

溫邪悞表劫津。邪入胞絡內閉。至寶丹

王

吸入溫邪。鼻通肺絡。逆傳心胞絡中。震動君主。神明

欲迷。瀰漫之邪。攻之不解。清竅既蒙。絡內亦痺。幼科不

解。投以豁痰降火理氣。毫無一効。憶平脈篇。清邪中上。

肺位最高。既入胞絡。氣血交阻。逐穢利竅。須藉芳香。議用局方至寶丹。

施 溫邪如瘧。陰氣先傷。苦辛再傷。陽及胃。內風肆橫。肢掣。癰癢。邪閉心胞絡中。痰潮神昏。乃熱氣蒸灼。無形無質。此消痰消食清火。竟走腸胃。與病情隔靴搔癢。速速與至寶丹三分。冷開水調服。若得神清。再商治法。

顧 飲酒又能納穀。是內風主乎消燦。當春盡夏初。陽氣弛張。遂致偏中於右。診脈左弦且堅。肌腠隱約斑點。面色光亮而赤。舌胎灰黃。其中必夾伏溫邪。所怕內閉神昏。治法以清絡宣竅。勿以攻風劫痰。扶助溫邪。平定廓

清。冀其帶病久延而已。

犀角

生地

玄參

連翹心

鬱金

小青葉

竹葉心

石菖蒲

又

目瞋舌縮。神昏如醉。邪入心胞絡中。心神為蒙。謂之

內閉。前案已經論及。溫邪鬱蒸。乃無形質。而醫藥都是形質氣味。正如隔靴搔癢。近代喻嘉言議謂芳香逐穢。宣竅頗為合理。絕症難挽。天機用意。聊盡人工。

至寶丹

四九勻四服。涼開水調化。

包

老年下虛。春溫上受。痰潮昏譫。舌絳黃苔。面赤微瘰。

先清上焦。

熱邪閉
竅神昏

天竺黃 金銀花 竹葉心 連翹 竹瀝

張 溫邪自裡而發。喉腫口渴。舌心灰滯。上焦熱蒙。最怕

竅閉昏癡。苦寒直降。攻其腸胃。與溫邪上鬱無涉。

連翹 黑梔皮 牛蒡子 杏仁 花粉

馬勃 瓜蒌皮 夏枯草 金汁 銀花露

張 週歲內。未得穀味精華。溫邪吸入。上焦先受。頭面頤

頰腫浮。邪與氣血混處。刀針破傷。經絡溫邪內閉。熱壅

蔓延。三焦昏寐。痰潮。舌刺。卷縮。小溲點滴。渾濁。熱氣結

錮在裏。但膏連芩梔之屬。藥性直降。竟由胃達腸。而熱

氣如烟如霧。原非形質。可蕩可掃。故牛黃產自牛腹。原

從氣血而成。混處氣血之邪。藉此破其蘊結。是得效之
因由也。夫溫熱時癘。上行氣分。而漸及於血分。非如傷
寒足六經。順傳經絡者。大抵熱氣。鴟張必薰。塞經絡內
竅。故昏躁皆裡竅之欲閉。欲宣內閉。須得芳香。氣血久
鬱。必致瘍毒內攻。謹陳大意。叅末。議用紫雪丹三分。微
溫開水調服。

○ 褚 溫邪中自口鼻。始而入肺。爲咳喘。繼傳膈中。則噎血。

乃心營肺衛受邪。然邪在上焦。壅遏阻氣。必聚爲熱。痰
臭。瘡。渴。是欲內閉。惜不以河間三焦立法。或謂傷寒主
六經。或謂肺癘。喘泄氣血。致熱無出路。胸突腹大。危期。

至速矣。卽有對病藥餌。氣湧沸騰。勢必湧吐無餘。焉望有濟。夫溫熱穢濁。填塞內竅。神識昏迷。脹悶欲絕者。須以芳香宣竅。佐牛黃金箔。深入臟絡。以搜錮閉之邪。今危篤若此。百中圖一而已。紫雪丹。

○陳
溫邪逆傳。膈中熱痰蔽阻。空竅所進寒涼消導。徒攻腸胃。毫無一效。痰乃熱薰津液所化。膈中乃空靈之所。是用藥之最難。至寶丹芳香。通其神明之竅。以驅熱痰之結。極是。但穉年受溫邪。最易陰虧津耗。必兼滋清以理。久伏溫邪爲正。

犀角

鮮生地

玄參

連翹心

丹皮

石菖蒲

化服至寶丹

某濕為漸熱之氣。迷霧鬲間。神機不發。三焦皆被邪侵。豈是小恙。視其舌伸縮如強。痰涎粘着。內閉之象已見。宜通臆中。望其少甦。無暇清至陰之熱。

至寶丹四分

石菖蒲金銀花湯送下

分熱

十夜熱早涼。熱退無汗。其熱從陰而來。故能食形瘦。脈數為甚。兩月不解。治在血分。

生鱉甲

青蒿

細生地

知母

丹皮

淡竹葉

許溫邪已入血分。舌赤音低。神呆潮熱。即發斑疹。亦是

血中熱邪。悞汗消食。必變昏厥。

犀角

細生地

玄參

丹皮

鬱金

石菖蒲

熱入厥陰張

舌絳裂紋。面色枯槁。全無淖澤。形象畏冷。心中熱焚。

邪深竟入厥陰。正氣已經虛極。勉擬仲景復脈湯。合乎

邪少虛多治法。復脈去人參。生薑加甘蔗汁代水煎。

又熱病悞投表散消導。正氣受傷。神昏舌強。勢如燎原。

前進復脈法。略有轉機。宜遵前方。去桂加參。以扶正氣。

為主。復脈湯去桂。加人參。甘蔗汁代水煎藥。

又進甘藥頗安。奈陰液已涸。舌強音縮。撫之乾板。較諸

已前齟肉映血有間小便欲解掣痛猶是陰氣欲絕欲寐昏沉午間煩燥熱深入陰之徵未能穩許愈期也

生白芍

炙甘草

阿膠

雞子黃

人參

生地

麥冬

炒麻仁

悞下熱陷成結胸

某

悞下熱陷於裏而成結胸所以身不大熱但短氣胸

滿煩躁此皆邪熱內燔擾亂神明內閉之象棘手重恙

倣仲景瀉心法備參末議再候明眼定裁

川連

黃芩

半夏

炮淡乾薑

生薑

枳實

悞治傷胃津液

吳

神氣如迷不飢不食乃苦辛消導發散劫奪胃津所

致。蓋溫邪手經為病。今世多以足六經主治。故致此。

細生地

竹葉心

麥冬

玄參心

連翹心

鬱金

王^姬溫熱十三日。舌黃。心中悶痛。初病手經。不當用足經

方。老人怕其液涸。甘寒醒胃却熱。

鮮生地

竹葉心

麥冬

鬱金

川斛

菖蒲根

冬溫傷液

吳^五近日天未寒冷。病虛氣不收藏。所感之邪。謂冬溫。參

苓益氣。薄荷桔梗杏仁泄氣。已屬背謬。加補骨脂溫瀆

腎臟。尤不通之極。自述夜寐深更。熱熱有汗。穉年陰不

充陽易泄。論體質可却病。

桑葉

大沙參

玉竹

苡仁

生甘草

糯米湯煎藥

陳冬温入肺。膠痰化熱。因未納穀之身。不可重藥消痰。

通利。

炒麥冬

桑葉

大沙參

甜杏仁

地骨皮

氣血兩傷

某

脉數右大煩渴舌絳温邪。氣血兩傷。與玉女煎。

生地

竹葉

石膏

知母

丹皮

甘草

陰虛感温邪

陳三陰虛温邪。甘寒清上。

白沙參 甜杏仁 玉竹 冬桑葉

南花粉 生甘草

關 陰虛挾溫邪寒熱不止雖不宜發散消食徒補亦屬

無益擬進復脈湯法

炙甘草 阿膠 生白芍 麥冬

炒生地 炒丹皮 青甘蔗汁煎

黃 體虛溫邪內伏頭汗淋漓心腹窒塞上熱下冷舌白

煩渴春陽升舉為病猶是冬令少藏所致色脈參視極

當謹慎

阿膠 生地 麥冬 生牡蠣

生白芍

茯苓

勞倦感
温陰液
燥

張五勞倦內傷。温邪外受。兩月不愈。心中温温液液。津液

無以上供。夜卧喉乾燥。與復脉湯去薑桂參。三服後可

加參。

汪勞倦更感温邪。陽升頭痛寒熱戰慄冷汗邪雖外達。

陽氣亦泄。致神倦欲眠。舌赤黃胎口不知味。當以育陰

除熱為主。辛散苦降非宜。

復脉湯去參薑桂麻加青甘蔗漿

曹脉促數。舌白不飢。寒熱汗出。初起腹痛。臍右有形。乃

久傷勞倦。復感温邪。今病兩旬。又六。微咳有痰。並不渴

勞倦感
温營衛
胃陽兼
虛

飲寒來微微齒痠。此營衛二氣大衰。恐延虛脫。議固衛陽。冀寒熱得平。

黃芪

桂枝

白芍

炙甘草

牡蠣

南棗

陳熱病後。不飢能食。不寐。此胃氣不和。

病退胃不和

香豉

黑山梔

半夏

枳實

廣皮白

華五口鼻受寒。暄不正之氣。過募原。擾胃系。寒熱已罷。猶

不飽不飢。舌邊赤。中心黃。餘邪未清。食入變酸。乃邪熱不勝穀。以溫胆和之。半麴。溫胆去甘草。茯苓。枳實。加鬱

金黑山梔

熱毒壅結上焦

林氏

腹滿已久。非是暴症。近日面頰腫脹。牙關緊閉。先有寒熱。隨現是象。診脉右搏數。左小。乃溫邪觸自口鼻。上焦先受。氣血與熱膠固。致清竅不利。條有痺塞之變。理當先治新邪。况頭面咽喉結邪。必辛涼輕劑以宣通。若藥味重濁。徒攻腸胃矣。倣東垣普濟消毒意。

連翹

牛蒡子

馬勃

射干

滑石

夏枯草

金銀花露

金汁

伏陰虛邪

席

脉左數。右緩弱。陽根未固。陰液漸涸。舌赤微渴。喘促自利。溲數。晡刻自熱。神煩。譫語。夫溫邪久伏。少陰。古人立法。全以育陰祛熱。但今見症。陰分固有伏邪。真陽亦

不肯收納。議做劉河間濁藥。輕投不為上焦熱阻。下焦
根蒂自立。冀其煩躁熱蒸漸緩。

熟地炭

茯苓

淡菴蓉

遠志炭

川石斛

五味子

飲子煎法

又晚診陰中伏邪。晡時而升。目赤羞明。舌絳而渴。與育

陰清邪法

生地炭

玄參心

川石斛

炒麥冬

犀角

石菖蒲

又脉左數右軟。舌乾苔白。小溲淋瀝。吸氣喘促。煩汗腎

陰不承。心神熱灼。蒙閉。議以三才湯。滋水制熱。三才加

扶神黃柏金箔 晚進周少川牛黃清心丸一服

又 昨黃昏後診脈較諸早上左手數疾頓減惟尺中垂

而仍動噫語不已若有妄見因思腎熱乘心臚中微閉

神明爲蒙自屬昏亂隨進周少川牛黃丸一服俾迷漫

無質之熱暫可泄降服後頗安辰刻診脈濡小形質大

衰舌邊色淡下利稀水夫救陰是要旨讀仲景少陰下

利篇上下交征關閘欲撒必以堵塞陽明爲治以陽明

司闔有開無闔下焦之陰仍從走泄矣議用桃花湯

人參

赤石脂

炮薑

白粳米

又 晚服照方加茯苓

又 脉左沉數。右小數。暮熱微汗。時煩。辰刻神清。虛邪仍

留陰分。議用清補。

人參

茯苓

川石斛

炙甘草

黑稻豆皮

糯稻根鬚

又

金匱麥門冬湯

程二

溫熱病已傷少陰之陰。少壯陰未易復者。恰當夏令

邪熱兼酒熱傷陰

發泄。百益酒釀造有灰。辛熱劫陰泄氣。致形體頹然。藥

難見效。每日餌雞距子生用。其湯飲用馬料豆湯。

冬傷於寒。春必病溫者。重在冬不藏精也。蓋煩勞多

慾之人。陰精久耗。入春則裏氣大泄。木火內燃。強陽

無制燔燎之勢。直從裏發。始見必壯熱煩冤。口乾舌燥之候矣。故主治以存津液爲第一。黃芩湯。豎陰却邪。卽此義也。再者。在內之溫邪欲發。在外之新邪。又加葱豉湯。最爲捷徑。表分可以肅清。至於因循貽悞。豈止一端。或因氣燥津枯。或致陰傷液涸。先生用挽救諸法。如人參白虎湯。黃連阿膠湯。玉女煎。復脈法。申明條例甚詳。餘則治瘧厥。以甘藥緩肝。昏閉用幽芳開竅。熱痰之溫膽。蓄血而論通瘀。井井有條。法真

周到。邵新甫

暑

暑傷氣
分上焦
閉鬱

某

大凡暑與熱乃地中之氣。吸受致病。亦必傷人氣。分氣結則上焦不行。下脫不通。不飢不欲食。不大便。皆氣分有阻。如天地不交。遂若否卦之義。然無形無質。所以清之攻之不效。

杏仁

通草

象貝

栝蒌皮

白薤

鬱金汁

姚 奔走氣亂。復飲燒酒。酒氣辛熱。有升無降。肺氣臃鬱。

上下不通。舌白。消渴。氣結。印脚。及腹漣漣。印秒不爽。周

身膚臃皆痛。汗出不解。無非暑濕熱氣。始由肺受。漫布三焦。羣醫消導苦藥。但攻腸胃。在上痞結。仍然議淡。溲佐以微辛。合乎軒岐上病治上之方。

西瓜翠衣

川白通草

大豆黃卷

馬兜鈴

射干

薤白

范 伏暑阻其氣分。煩渴。咳嘔。喘急。二便不爽。宜治上焦。

杏仁

石膏

炒半夏

黑梔皮

厚朴

竹茹

又 痰多。咳嘔。是暑鬱在上。醫家亂投。沉降。所以無效。

石膏

杏仁

炒半夏

鬱金

香鼓 黑山梔

王 舌白煩渴。心中脹悶。熱邪內迫。氣分阻閉。當治肺經。

倘逆傳臆中。必致昏厥。

杏仁

鬱金

滑石

黃芩

半夏

橘紅

栝藋皮

陳四暑濕傷氣。肺先受病。諸氣皆痺。當午後陽升。煩喘更

加五夫無形氣病。醫以重藥推消。多見不效。

西瓜翠衣

活水蘆根

杏仁

苡仁

又 酒客中虛。重鎮攻消。清氣愈傷。夫暑邪皆着氣分。苟

肺司清肅。則其邪不攻自罷。議仍以廓清為法。若雨露

從天下降。炎歊自蕩。掃無餘。威喜丸二錢十服。

某二身熱。頭脹。腕悶。哆噲。此暑邪外襲於肺衛。當清上焦。

絲瓜葉 三錢 大杏仁 三錢 香薷 七分 通草 一錢

飛滑石 三錢 白蔻仁 五分

陳脈左勁右濡。頭痛腕悶。麻痺欲厥。舌白。此暑邪內中。

蒙閉。清空成瘧之象。平昔陰虛。勿犯中下二焦。

嫩竹葉 連翹 飛滑石 野薺金汁

大杏仁 川貝母

龔二脈亦大。頭暈。腕中食不多。下暑熱氣。從上受。治以苦

辛寒方

竹葉

杏仁

鬱金

滑石

香豉

山梔

○張^四七 三瘧之邪在陰。未經向愈。春季洞利不食。想春雨外

濕。水穀內聚亦濕。卽濕多成五泄之謂。瘡痍僅泄經隧。濕邪而裏之濕邪未驅。長夏吸受暑邪。上蒙清空諸竅。咳嗽耳聾的係新邪。非得與宿病同日而語。

連翹

飛滑石

嫩竹葉

荷葉邊汁

桑葉

杏仁

象貝

黑山梔

○程^三六 暑風必挾濕。濕必傷於氣分。斷瘧瘡發。卽濕邪內發

之徵。濕伏熱蘊。致氣壅塞咽底腕中。及至進穀無碍。二

便通調中下無病顯然。

白通草

西瓜翠衣

活水蘆根

苡仁

吳 連朝驟熱必有暑氣內侵頭熱目瞋吸短神迷此正

虛邪痺清補兩難先與益元散三四錢用嫩竹葉心二

錢煎湯涼用三四小杯常用菜豆煎湯服

龔 暑必挾濕二者皆傷氣分從鼻吸而受必先犯肺乃

上焦病治法以辛涼微苦氣分上焦廓清則愈惜乎崑

以陶書六經看病仍是與風寒先表後裏之藥致邪之

在上漫延結錮四十餘日不解非初受六經不須再辨

其謬經云病自上受者治其上援引經義以論治病非

邪僻也。宗河間法。

杏仁

栝蘘皮

半夏

薑汁

白蔻仁

石膏

知母

竹瀝

秋露水煎

又

脉神頗安。昨午發疹。先有寒戰。蓋此病起於濕熱。當

此無汗。肌腠氣窒。至膚間皮脫如麩。猶未能全泄其邪。

風疹再發。乃濕因戰慄為解。一月以來病魔。而肌無膏

澤。瘦削枯槁。古謂瘦人之病。慮涸其陰。陰液不充。補之

以味。然腥羶濁味。徒助上焦熱痰。無益培陰養液。况宿

滯未去。腸胃氣尚窒鈍。必淡薄調理。上氣清爽。痰熱不

至復聚。從來三時熱病。怕反覆於病後之復。當此九仞。

幸加意留神爲上

玄參心

細生地

銀花

知母

生甘草

川貝

丹皮

橘紅

鹽水炒

竹瀝

此煎藥方。只用二劑可停。未大便時。用地冬汁膏。大便後。可用三才湯。

池 伏暑至深秋而發。頭痛煩渴少寐。

薄荷

淡竹葉

杏仁

連翹

黃芩

石膏

赤芍

木通

張 病幾一月。猶然耳聾。神識不慧。嗽甚痰粘。呼吸喉間

存音。此非傷寒暴感。皆夏秋間暑濕熱氣內鬱。新涼引

動內伏之邪。當以輕劑清解三焦。奈何醫者不曉伏氣
爲病。但以發散消食寒涼清火爲事。致胃汁消亡。真陰
盡燥。舌邊赤。齒板燥裂。血邪留管中。有內閉瘵癥厥逆
之變。况右脉小數。左脉瀼弱。熱固在裏。當此陰傷日久。
下之再犯亡陰之戒。從來頭面都是清竅。既爲邪蒙。精
華氣血不肯流行。諸竅失司。聰明矣。此輕清清解。斷斷
然也。議清上焦氣血之壅爲先。不投重劑苦寒。正做古
人肥人之病。慮虛其陽耳。

連翹心

玄參

犀角

鬱金

橘紅

蜜水炒

黑梔皮

川貝

鮮菖蒲根

加竹瀝

又 昨進清上焦法。諸症雖然畧減。而神識猶未清爽。總由病久陰液內耗。陽津外傷。聰明智慧之氣。俱被濁氣蒙蔽。所以子後午前稍清。他時皆不清明。以陽盛時。人身應之也。擬進局方至寶丹。藉其芳香。足以護陽逐邪。庶無內閉外脫之虞。

至寶丹每服三分。燈心嫩竹葉湯送。

又 脈右緩大。左弱。面垢色已減。痰嗽不爽。良由胃中津液。爲辛散溫燥所傷。心營肺衛。悉受熱焰蒸迫。致神呆喘急耳聾。清陽阻痺。九竅不利。首方宣解氣血。繼方芳香通竅。無形令其轉旋。三焦自有專司。豈與俗醫徂曉。

邪滯攻擊而已。今已獲效。當與清養胃陰肺氣。體素豐盛。陽弱不耐沉寒。然深秋冬交。天氣降。則上焦先受。試觀霜露下垂。草木皆改容色。人在氣交。法乎天地。兼參體質施治。

枇杷葉

炒黃川貝

橘紅

鬱金

茯苓

苡仁

暑風傷肺

王

暑風熱氣入肺。上熱痰喘嗽。

石膏

連翹

竹葉

杏仁

桑皮

苡仁

橘紅

生甘草

又 肺氣壅遏。身熱喘咳。溺少。葶藶合葶藶大棗湯。

○某五 暑風外襲。肺衛氣阻。頭脹。咳嗽。畏風。微熱。防作肺癰。

絲瓜葉 大杏仁 香薷 桔梗

連翹 六一散

○某 舌灰黃。頭痛。咳嗽。逆。左腋掣痛。此煩勞陽動。暑風乘虛

襲入。最慮風動中厥。

鮮荷葉三錢 鮮蓮子五錢 茯神一錢半 益元散三錢

川貝母一錢半 橘紅一錢

○楊女 暑熱穢濁。阻塞肺部。氣痺。腹滿。宜以輕可去實。

西瓜翠衣 白通草 活水蘆根 生苡仁

臨好加入石膏末二錢

周二 暑風熱神呆

鮮荷葉

苦丁茶

滑石

木通

杏仁

厚朴

廣皮

白蔻仁

郁六 暑熱頭脹咳嗽痛

鮮荷葉

杏仁

射干

橘紅

桑皮

桔梗

木通

滑石

胡 不飢不食不便此屬胃病乃暑熱傷氣所致味變酸

濁熱痰聚腕苦辛自能泄降非無據也

半夏瀉心湯去甘草乾薑加杏仁枳實

王 身熱自汗腹痛大小便不利脈虛右大左小暑熱內

暑熱阻氣中痞不運

閉。擬和表裏法。

薄荷

枳實

黃芩

生白芍

竹葉心

黑山梔

通草

甘草

程四穢熱。由清竅入。直犯募原。初頭痛肌脹。今不飢痞悶。

以苦辛寒法。

杏仁

半夏

厚朴

橘紅

竹葉

黃芩

滑石

又。脈虛舌赤消渴。伏暑熱氣。過衛入營。治在手厥陰。

竹葉

犀角

生地

麥冬

玄參

某六舌黃腕悶頭脹。口渴溺短。此吸受穢氣所致。

飛滑石 三錢

白蔻仁 七分

杏仁 三錢

厚朴 一錢半

通草 一錢半

廣皮白 一錢半

某三穢暑吸入。內結募原。腕悶腹痛。便泄不爽。法宜芳香

逐穢。以疏中焦為主。

藿香梗

杏仁

厚朴

茯苓皮

半夏麩

廣皮

香附

麥芽

楊 秋暑內燠。煩渴喜得冷飲。脈右小弱者。暑傷氣分。寐

必芫虛也。此非結胸症。宜辛寒以徹裏邪。

石膏

知母

厚朴

杏仁

半夏

薑汁

○沈三脈少色白氣分不足兼之胃弱少食聞穢濁要刮痧。

陰柔之藥妨胃助濁常以猪肚丸養胃入夏令熱更傷

氣每食遠進生脈四君子湯一劑恪守日服可杜夏季

客暑之侵生脈四君子湯長服猪肚丸

○卜十二八春夏必吞酸胸癭麻木此體虛不耐陽氣升泄乃熱

傷氣分爲病宗東垣清暑益氣之議。

人參 黃芪 白朮 甘草 麥冬

五味 青皮 陳皮 澤瀉 葛根

升麻 黃柏 歸身 神麩

○任十六冲年真陰未長逢長夏濕熱交迫斯氣泄煩倦當靜

坐涼爽。過月涼。隨至炎。敵去。乃却病之期。與清暑益氣之屬。清暑益氣法。

徐四長夏濕熱令行。肢起膿窠。煩倦不嗜食。此體質本怯。

而濕與熱邪皆傷氣分。當以注夏同參。用清暑益氣法。

人參 白朮 廣皮 五味 麥冬

川連 黃柏 升麻 葛根 神麴

麥芽 穀芽 乾荷葉汁泛丸

煩勞傷暑胃虛

施四以煩勞傷陽。交長夏發泄令加。見症都是氣弱。亦熱

傷氣也。煩渴有痰。先治其胃。益陽明經脈。主乎束筋骨

以流利機關耳。金匱麥門冬湯

吳 診脉肝胆獨大尺中動數先天素弱水虧木少滋榮
當春深長夏天地氣機泄越身中煩倦食減皆熱傷元
氣所致進以甘酸充養胃陰少俟秋肅天降培植下焦
固納為宜

炒麥冬 木瓜 北沙參 生甘草 烏梅

營 暑入心

程 暑久入營夜寐不安不飢微痞陰虛體質議理心用

鮮生地 玄參 川連 銀花

連翹 丹參

〇 顧三 陰虛遺熱小便淋瀝近日冒暑初起寒熱頭痛汗出

不解肌肉麻木手足牽強神昏如寐成瘡則輕瘳厥則

重

犀角

玄參

小生地

連翹心

竹葉心

石菖蒲

滑石

化牛黃丸

二服

某

初病伏暑傷於氣分微熱渴飲邪犯肺也失治邪張

逆走臆中。遂舌絳。縮小便。忽開鼻。燥裂血口。瘡耳聾。神

呆。由氣分之邪熱。漫延於血分矣。夫肺主衛。心主營。

衛二氣。晝夜行於經絡之間。與邪相遇。或涼或熱。今則

入於絡。津液被劫。必漸昏寐。所謂內閉外脫。

鮮生地

連翹

玄參

犀角

石菖蒲

金銀花

暑風入營

汪 暑風久入營絡微熱忽涼議用玉女煎

玉女煎去麥冬牛膝加丹皮竹葉

暑病久延傷液

金 熱止津津汗出伏暑已解只因病魔日久平素積勞

形色脉象虛衰深慮變病今飲食未進寤寐未寧議以

飲液補虛

人參

茯神

麥冬

五味

炒白芍

塊辰砂一兩綿裹同煎

又 熱久胃汁被劫不飢不便亦病後常事耳古人論病

必究寢食今食未加餐難寐神識未清為病傷元氣而

熱病必消燦真陰議用三才湯意

暑熱深
入劫陰

顧

人參

天冬

生地

麥冬

五味子

右脉空大左脉小芤熱麻痺腰痛冷汗平素積勞

內虛秋暑客邪遂干臟陰致神迷心熱煩躁刮痧似乎

暑爽病不肯解此非經絡間病頗慮熱深劫陰而為瘧

厥張司農集諸賢論暑病謂入肝則麻痺入腎為消渴

此其明徵議清陰分之邪仍以養正輔之

阿膠

小生地

麥冬

人參

小川連

烏梅肉

某

暑濕熱氣觸入上焦孔竅頭脹脛悶不飢腹癩惡心

延久不清有瘧痢之憂醫者不明三焦治法混投發散

暑濕漸
漫三焦

消食宜乎無效。

杏仁

香豉

橘紅

黑山梔

半夏

厚朴

滑石

黃芩

○張

舌白。羸。灰。黑。脚腕痞悶。潮熱。嘔惡。煩渴。汗出。自利。伏

暑內發。三焦均受。然清理上中為要。

杏仁

滑石

黃芩

半夏

厚朴

橘紅

黃連

鬱金

通草

○某二

暑熱鬱遏。頭脹。腕痛。口渴。溺短。當清三焦。

絲瓜葉

飛滑石

淡竹葉

茯苓皮

厚朴

藿香

廣皮

通草

何暑濕皆客邪也。原無質。故初起頭脹胸滿。但傷上焦氣分耳。酒家少穀。胃氣素薄。一派消導。雜以辛散苦寒。胃再傷殘。在上濕熱。延及中下。遂協熱自利。三焦邪蒸。氣衝塞填胸。躁亂口渴。瓜菓下脫。格拒相鬪。此中宮大傷。况進熱飲畧受。其為胃陽殘憊。而邪結內踞可知矣。考暑門時風煩躁。清濁交亂者。昔賢每以來復丹五六粒。轉運清濁為先。攻補難施之際。望其效靈耳。

來復丹

吳 目黃腕悶。嘔中不爽。嘔逆寒少熱多。暑濕客氣之傷。

三焦不通。非風寒之症。

大竹葉 黃芩 杏仁 滑石 陳皮白

厚朴 半夏 薑汁

又 暑濕熱皆氣也。竝釀蓄濁痰於胃。遂口甜膩滯不飢。議以宣氣理痰。

川貝母 栝藋皮 杏仁 黑山梔 澤瀉

另用二賢散

某四診脈弦。午後惡寒似熱不飢。溺滿短赤。暑熱炎蒸外襲肺衛。遊行三焦。致氣分窒痺而然。當用和法。宜薄滋味。庶杜瘡患。

杏仁 香薷 木通 飛滑石

茯苓

厚朴

白蔻仁

淡竹葉

又 照前方去香薷加半夏

楊二暑熱必挾濕。吸氣而受。先傷於上。故仲景傷寒先分入

六經。河間溫熱。須究三焦。大凡暑熱傷氣。濕着阻氣。肺

主一身周行之氣。位高為手太陰經。據述病樣。面赤足

冷。上脘痞塞。其為上焦受病。顯著緣平素善飲。胃中濕

熱久伏。辛溫燥烈。不但肺病不合。而胃中濕熱。得燥熱

細閉。下利稀水。即協熱下利。故黃連苦寒。每進必利甚

者。苦寒以勝其辛熱。藥味尚留於胃底也。然與初受之

肺邪無當。此石膏辛寒。辛先入肺。知母為味清涼。為肺

之母氣。然不明肺邪。徒曰生津焉。是至理。昔孫真人未

診先問。最不慎事。再據主家說。及病起兩旬。從無汗泄。

經云。暑當汗出。勿止氣。分室塞日久。熱侵入血中。咯痰

帶血。舌紅赤不甚。渴飲上焦不解。漫延中下。此皆急清

三焦。是第一章旨。故熱病之瘀熱留絡。而為遺毒。注腑

腸。而為洞利。便為束手無策。再論濕乃重濁之邪。熱為

薰蒸之氣。熱處濕中。蒸淫之氣。上迫清竅。耳為失聰。不

與少陽耳聾同例。青蒿減柴胡一等。亦是少陽本藥。且

大病如大敵。選藥若選將。苟非慎重。鮮克有濟。議三焦

分清治。從河間法。初三日

飛滑石

生石膏

寒水石

大杏仁

炒黃竹茹

川通草

瑩白金汁

金銀花露

又

暮診診脈後。腹胸肌腠。發現癰疹。氣分濕熱。原有暗泄之機。早間所談。餘邪遺熱。必兼解毒者爲此。下午進藥後。診脈較大於早晨。神識亦如前。但舌赤中心甚乾。燥身體捫之熱甚於早間。此陰分亦被熱氣蒸傷。瘦人慮其液涸。然痰咯不清。養陰藥無往而非膩滯。議得早進清膈一劑。而三焦熱穢之蓄。當用紫雪丹二三匙。藉其芳香宣竅。逐穢斯錮。熱可解。濁痰不粘。繼此調理之方。清營分。滋胃汁。始可瞻顧。其宿垢欲去。猶在旬日之

外古人謂下不嫌遲非臆說也。紫雪丹一錢六分

一 知母 竹葉心 連翹心 炒川貝 竹瀝

犀角 玄參 金汁 銀花露

又一劑後用

竹葉心 知母 萊豆皮 玄參

鮮生地 金銀花

又一劑後去銀花萊豆皮加人參麥冬

又 初十申刻診經月時邪脉形小數小為病退數為餘

熱故皮膜麤蛻氣血有流行之義思食欲餐胃中有醒

豁之機皆佳兆也第舌赤而中心黃苔熱蒸既久胃津

陰液俱傷。致嚙物咽中若阻。溺溲尿管猶痛。咯痰濃厚。宿垢未下。若急遽攻奪。恐真陰更涸矣。此存陰為主。而清腑兼之。故亂進食物。便是助熱。惟清淡之味。與病不悖。自來熱病。最怕食復勞復。舉世共聞。非臆說也。

細生地

玄參心

知母

炒川貝

麥冬

地骨皮

銀花露

竹瀝

又

脉症如昨。仍議滋清陰分餘熱。佐清上腕熱痰。

照昨日方去地骨皮銀花露加鹽水炒橘紅

某

脉虛傷暑。頭重腕悶。跗痠。

絲瓜葉

錢三

大杏仁

錢三

六一散

錢三

茯苓皮

錢三

暑厥

暑瘵

暑邪入厥陰

漢防已半錢 綿茵陳一錢 細木通一錢 白蔻仁五分

某

中惡暑厥。蒼朮白虎湯加滑石

王

暑邪寒熱。舌白不渴。吐血。此名暑瘵重症。

西瓜翠衣

竹葉心

青荷葉汁

杏仁

飛滑石

苡仁

萬

暑邪不解。陷入厥陰。舌灰消渴。心下板實。嘔惡吐虵

寒熱。下利血水。最危之症。

川連

黃芩

乾薑

生白芍

川椒

烏梅

人參

枳實

江

暑邪深入厥陰。舌縮。少腹堅滿。聲音不出。自利。上下

榕拒危期至速。勉擬暑門酸苦泄熱。輔正驅邪一法。

黃連

淡乾薑

烏梅

生白芍

半夏

人參

枳實

暑兼血症

某八 勞傷挾暑。肺氣受戕。咳血口乾。先清暑熱。

鮮荷葉

白扁豆

大沙參

茯神

苡仁

朱三 三伏中。陰氣不生。陽氣不潛。其頭脹身痛。是暑邪初受。暑濕熱必先傷氣分。故舌白口渴身痛。早晨清爽。午夜煩蒸。狀如溫瘧。沐浴遶動血絡。宿病得時邪而來。仲景云。先治新病。後理宿病。是亦陰氣先傷。陽氣獨發也。

鮮生地

石膏

知母

玄參

連翹 竹葉心 荷葉汁

王^三九^九雖是欬痰失血。然強能食。不知飢。目黃。晡熱。舌心黃。

已現暑熱客邪症象。此先宜清理肺胃。莫因久恙而投

膩補。

杏仁 象貝母 鬱金 川通草

桑葉 石膏 橘紅 苡仁

又 晚服枇杷葉膏 早六味加阿膠麥冬

又 阿膠 雞子黃 小生地 麥冬

桑葉 炒黑丹皮

徐^三六^六勞傷挾暑。咳血不飢。

鮮荷葉汁

冲

大沙參

生苡仁

六一散

菜豆皮

杏仁

橘紅

白蔻仁

天之暑熱一動。地之濕濁自騰。人在蒸淫熱迫之中。若正氣設或有隙。則邪從口鼻吸入。氣分先阻。上焦清肅不行。輸化之機。失於常度。水穀之精微。亦蘊結而爲濕也。人身一小天地。內外相應。故暑病必挾濕者。卽此義耳。前人有因動因靜之分。或傷或中之候。以及入心入肝。爲瘧爲痢。中痧霍亂。暴厥卒死。種種傳變之原。各有精義可參。茲不重悉。想大江以南。地卑氣薄。濕勝熱蒸。當此時候。更須防患於先。昔李笠

翁記中所謂使天只有三時而無夏。則人之病也必稀。此語最確。蓋暑濕之傷。驟者在當時爲患。緩者於秋後爲伏氣之疾。其候也。脈色必滯。口舌必膩。或有微寒。或單發熱。熱時腕痞氣窒。渴悶煩寃。每至午後則甚。入暮更劇。熱至天明得汗則諸恙稍緩。日日如是。必要兩三候外。日減一日。方得全解。倘如元氣不支。或調理非法。不治者甚多。然是病比之傷寒。其勢覺緩。比之瘧疾。寒熱又不分明。其變幻與傷寒無二。其愈期反覺纏綿。若表之汗不易徹。攻之便易澹瀉。過清則肢冷嘔惡。過燥則唇齒燥裂。每遇秋來最多。

是症求之古訓。不載者多。獨已任編名之曰秋時晚發感症似瘧。總當以感症之法治之。要知伏氣爲病。四時皆有。但不比風寒之邪。一汗而解。溫熱之氣。投涼卽安。夫暑與濕。爲熏蒸粘膩之邪也。最難驟愈。若治不中竅。暑熱從陽上薰。而傷陰化燥。濕邪從陰下沉。而傷陽變濁。以致神昏耳聾。舌乾齩血。腕痞嘔惡。洞泄肢冷。棘手之候。叢生。竟至潰敗。莫救矣。參先生用意。宗劉河間三焦論立法。認明暑濕二氣。何者爲重。再究其病。實在營氣。何分。大凡六氣傷人。因人而化。陰虛者火旺。邪歸營分爲多。陽虛者濕勝。邪傷氣

分爲多。一則耐清。一則耐溫。臟性之陰陽。從此可知也。於是在上者以辛涼微苦。如竹葉連翹杏仁薄荷之類。在中者以苦辛宣通。如半夏瀉心之類。在下者以溫行寒性。質重開下。如桂苓甘露飲之類。此皆治三焦之大意也。或有所夾。又須通變。至於治氣分有寒溫之別。寒者宗諸白虎法。及天水散意。溫者從乎二陳湯。及正氣散法。理營分知清補之宜。清者如犀角地黃。加入心之品。補者有三才復脈等方。又如濕熱沉混之蒼朮石膏湯。氣血兩燔之玉女法。開閉逐穢與牛黃及至寶紫雪等劑。扶虛進參附。及兩儀諸

法隨其變幻。審其陰陽。運用之妙。存乎心也。附驥燕
詞。高明致正。邵新甫

濕

濕阻上焦肺不肅降

馮三

舌白頭脹。身痛肢疼。胸悶不食。溺阻。當開氣分除濕。

飛滑石

杏仁

白蔻仁

大竹葉

炒半夏

白通草

王十二酒肉之濕助熱。內蒸釀痰。阻塞氣分。不飢不食。便溺

不爽。亦三焦病。先論上焦。莫如治肺。以肺主一身之氣

化也。

杏仁

栝蒌皮

白蔻仁

飛滑石

半夏

厚朴

吳五酒客濕勝。變痰化火。性不喜甜。熱聚胃口犯肺。氣逆

吐食。上中濕熱。主以淡滲。佐以苦温。

大杏仁 金石斛 飛滑石 紫厚朴 活水蘆根

孔 心中熱。不飢不寐。目黃。自利。濕熱內伏。

淡黃芩 連翹 炒杏仁 白通草

滑石 野赤豆皮

濕温阻肺

某九二 濕温阻於肺衛。咽痛。足跗痺痛。當清上焦。濕走氣自

和。

飛滑石 竹葉心 連翹 桔梗

射干 蘆根

○周 病起旬日。猶然頭脹。漸至耳聾。正如內經病能篇所云。因於濕。首如裹。此嘔心鼻衄。皆邪混氣之象。况舌色帶白。啞喉欲閉。邪阻上竅。空虛之所。諒非苦寒直入胃中。可以治病。病名濕溫。不能自解。卽有昏瘖之變。醫莫泛稱時氣而已。

連翹

牛蒡子

銀花

馬勃

射干

金汁

○濕熱穢氣阻竅

李_二時令濕熱之氣。觸自口鼻。由募原以走中道。遂致清

肅不行。不飢不食。但溫乃化熱之漸。致機竅不為靈動。

與形質滯濁有別。此清熱開鬱。必佐芳香以逐穢為法。

枯藁皮

桔梗

黑山梔

香豉

枳殼

鬱金

降香末

某

吸受穢邪。募原先病。嘔逆。邪氣分布。營衛皆受。遂熱

蒸頭脹。身痛。經旬。神識昏迷。小便不通。上中下三焦交

病。舌白。渴不多飲。是氣分窒塞。當以芳香通神。淡滲宣

竅。俾穢濕濁氣。由此可以分消。

苡仁

茯苓皮

猪苓

大腹皮

通草

淡竹葉

牛黃丸二九

吳

濕邪中傷之後。脾胃不醒。不飢口渴。議清養胃津為

穩。

濕熱傷胃津

濕溫邪
入心胞

鮮省頭草 知母 川斛 苡仁 炒麥冬

張 媼

體壯有濕。近長夏陰雨潮濕。着於經絡。身痛。自利發

熱。仲景云。濕家大忌發散。汗之則變痙厥。脈來小弱而

緩。濕邪凝遏陽氣。病名濕溫。濕中熱氣。橫冲心胞絡。以

致神昏四肢不煖。亦手厥陰見症。非與傷寒同法也。

犀角

連翹心

玄參

石菖蒲

金銀花

野赤豆皮

煎送至寶丹

蔡

陽虛挾濕。邪熱內陷。所以神識如蒙。議用瀉心法。

人參

生乾薑

黃芩

川連

枳實

生白芍

濕熱內陷

濕營脾陽

張六一此濕蘊氣中。足太陰之氣。不為鼓動運行。試以痞結

胸滿。仲景列於太陰篇中。槩可推求其理矣。

半夏

醋炒

茯苓

川連

厚朴

通草湯煎

周

濕傷脾陽。腹膨。小溲不利。

茅朮

厚朴

茯苓

澤瀉

猪苓

秦皮

又

五苓散

又

二朮膏

范

四肢乍冷。自秘。秘已。目黃。稠涎。而神倦。不語。濕邪內

伏。足太陰之氣。不運。經言。脾竅在舌。邪滯竅。必少靈。以

致。證言欲蹇。必當分利。佐辛香以默運坤陽。是太陰裏

症之法。

生於术 三錢

厚朴 五分

茯苓 三錢

草薺仁 七分

木瓜 五分

澤瀉 五分

又 身體稍稍轉動。語蹇神呆。猶是氣機未為靈轉。色脉

非是有餘。而濕為陰邪。不徒偏寒偏熱已也。

生於术

茯苓

苡仁

鬱金

炒遠志

石菖蒲汁

又 脾胃不醒。皆從前濕蒸之累。氣升咳痰。參藥緩進。

炒黃川貝

茯苓

苡仁

鬱金

地骨皮

淡竹葉

又濕滯於中氣蒸於上失降不得寐口數白疳仍不渴

飲開上鬱佐中運利腸間亦是宣通三焦也

生於術 五錢 苡仁 三錢 寒水石 一錢 桔梗 七分

猪苓 一錢 澤瀉 一錢 廣皮白 一錢

濕阻中焦陽氣 曹三 十 腸胃屬腑濕久生熱氣阻不爽仍以通為法

生於術 川黃連 厚朴 淡生薑渣

廣皮白 酒煨大黃 水法丸服三錢

李四 五 脉小瀉痰多上湧食入脘阻大便不爽上秋至今夏

不愈自述飢飽失和曾病黃疸以濕傷氣痺主治

大杏仁 苡仁 半夏 薑汁

茯苓

橘紅

鬱金

香豉

俞五 酒濕鬱傷。腕中食阻而痛。治以辛苦寒。

小川連

半夏

薑汁

枳實

茯苓

香豉

某五 舌白即黃。口渴溺赤。脉象呆鈍。此屬濕鬱。

綿茵陳 錢三

生白朮 錢一

寒水石 錢三

飛滑石 錢三

桂枝木 錢一

茯苓皮 錢三

木猪苓 錢三

澤瀉 錢一

李 酒客中虛。粵地潮濕。長夏涉水。外受之濕下起。水穀

不運。中焦之濕內聚。治法不以宣通經腑。致濕阻氣分。

鬱而為熱。自脾胃不主運通。水濕橫漬於脉腠之間。二

品登... 濕... 吳

便不爽。濕熱濁氣交扭混亂。前輩治中滿。必曰分消。此分字。明明謂分解之義。但亂藥既多。不能去病。就是脾胃受傷於藥。蔓延腿肢。腫極且痛。病深路遠。藥必從喉入胃。然後四布。病所未得藥益。清陽先已受傷。此湯藥難以進商也。議用丹溪小温中丸三錢。耑以疎利腸中。取其不致流散諸經。亦一理也。小温中丸八服。

某三

六陽微體質濕痰內聚。便溏腕悶。肌麻舌乾。清理濕邪。

氣機升降自安。

金石斛

茯苓

半夏

廣皮白

鈎藤

白蒺藜

張 脉右緩濕着阻氣

厚朴

廣皮

煨草菓

炒查肉

藿香梗

炒神麩

某二 不耐煩勞是本虛。腕悶便泄屬濕邪。先治濕。後治本。

藿香梗

廣皮

茯苓

大腹皮

厚朴

穀芽

陸 濕滯如痞。

山茵陳

草果仁

茯苓皮

大腹皮絨

厚朴

廣皮

猪苓

澤瀉

汪三 舌黃腕悶穢濕內着。氣機不宣。如久釀蒸。必化熱氣。

即有身熱之累。

杏仁

藿香

茯苓皮

滑石

厚朴

廣皮白

○某

閤病源。皆濕熱內停之象。當走濕清熱為主。至於藥酒蘊濕助熱尤當永戒。

生白朮

○赤小豆皮

綿茵陳

黃柏

茯苓

澤瀉

○某

脈濡頭脹。脚身重着而痛。寒熱微嘔。此濕阻氣分。

厚朴

杏仁

白蔻仁

木通

茯苓皮

大腹皮

滑石

竹葉

某長夏外受暑濕。與水穀之氣相併。上焦不行。下脘不通。氣阻。熱從濕下蒸逼。不飢不食。目黃舌白。氣分之結。

厚朴

杏仁

廣皮

茯苓

半夏

薑汁

某脈緩。身痛。汗出熱解。繼而復熱。此水穀之氣不運。濕

復阻氣。鬱而成病。仍議宣通氣分。熱自濕中而來。徒進

清熱不應。

黃芩

滑石

茯苓皮

大腹皮

白蔻仁

通草

猪苓

方四形質頽然。脈遲小澇。不食不寐。腹痛。大便窒痺。平昔

寒濕

嗜酒少穀中虛濕結陽傷寒濕濁陰鳩聚為痛

炒黑生附子 炒黑川椒 生淡乾薑 葱白

調入猪胆汁一枚

○王五冷濕損陽經絡拘束形寒酒客少穀勞力所致

桂枝 淡乾薑 熟附子 生白木

○莫十五今年夏四月寒熱不飢是時令潮沴氣蒸內應脾胃

夫濕屬陰晦必傷陽氣吞酸形寒乏陽運行議鼓運轉

旋脾胃一法 苓薑朮桂湯

○某六地中濕氣自足先腫濕屬陰邪陽不易復畏寒筋骨

猶牽強無力以金匱苓薑朮桂湯

陳^五濁凝氣結有形。酒肉挾濕。

萹撥

生香附汁

木香

草果

茯苓

廣皮白

江脈緩臍上痛。腹微膨。便稀溺短不爽。此乃濕鬱脾胃。

之陽。致氣滯裏急。宗古人導濕分消。用桂苓散方。

生茅朮

官桂

茯苓

厚朴

廣皮白

飛滑石

猪苓

澤瀉

炒查肉

林^五二。中年清陽日薄。忽然腕中痞悶。乃清陽不自轉旋。酒

肉濕濁之氣。得以凝聚矣。過飢漉瀉。濕傷脾胃。胃陽微。

仲景法。以輕劑宣通其陽。若投破氣開降。最傷陽氣。有

格拒之害。苓桂朮甘湯

嚴一。脚滿不飢。是陽不運行。嗜酒必挾濕。凝阻其氣。久則

三焦皆閉。用半碗丸。二便已通。議治上焦之陽。

苓桂朮甘湯

王二。病人述病中厚味無忌。腸胃滯雖下。而留濕未解。濕

重濁。令氣下墜於肛。肛墜痛不已。胃不喜食。陽明失闔。

舌上有白腐形。色。議劫腸胃之濕。

生茅朮

人參

厚朴

廣皮

炮薑灰

生炒黑附子

胡二。受濕患瘡。久瘡陽乏氣泄。半年淹淹無力。食少。愛噫。

難化。此脾胃病。法以運中陽為要。

茯苓

桂枝

生於朮

炙草

苡仁

生薑

汪

夏令脾胃司氣。兼以久雨泛潮。地中濕氣上干。食味

重濁少運。所謂濕勝成五泄也。古云寒傷形。熱傷氣。芒

種夏至。天漸熱。宜益氣分以充脾胃。此夏三月。必有康

健之理。補中益氣湯

濕邪瀰漫三焦

某五穢濕邪吸受。由募原分布三焦。升降失司。脘腹脹悶。

大便不爽。當用正氣散法。

藿香梗

厚朴

杏仁

廣皮白

茯苓皮

神麩

麥芽

綿茵陳

○蔡

仲景云。小便不利者。為無血也。小便利者。血症諦也。

此症是暑濕氣蒸。三焦瀰漫。以致神昏。乃諸竅阻塞之兆。至小腹硬滿。大便不下。全是濕鬱氣結。彼奔醫猶然以滋味呆鈍滯藥。與氣分結邪相反極矣。議用甘露飲法。

猪苓

浙茯苓

寒水石

晚蚕沙

皂莢子

去皮

某^四腕悶。便溏。身痛。脉象模糊。此屬濕蘊三焦。

厚朴

廣皮

藿香梗

茯苓皮

大豆黃卷

木防己

川通草

苡仁

牛 向年積聚。悞服燥熱諸藥。頻與清奪。推陳致新。乃安。

身處江南濕熱之鄉。飲啖仍用山右濃重之味。留熱由腸升膈。三焦不清。議攻無形之熱。

清心涼膈。去芒硝。加菖蒲。

韓三 冷酒水濕傷中。上嘔食。下泄脂液。陽氣傷極。再加浮

酒濕傷陽鬱生胃瘧

腫作脹則危。

人參

茯苓

熟附子

生於朮

生白芍

生薑

又

酒濕類聚。例以分利。診脈微。陽氣已敗。濕壅生熱。至

胃瘧膿。清熱則陽亡。卽死。朮苓運中祛濕。佐附迅走氣

分亦治濕一法。

茯苓

熟附子

生白朮

左牡蠣

澤瀉

車前子

○陽衰濕傷脾腎

龐四濕久脾陽消乏。中年未育子。腎真亦憊。做安腎丸法。

鹿茸

胡蘆巴

附子

韭子

赤石脂

補骨脂

真茅朮

茯苓

兔絲子

大茴香

○張五陽傷痿弱。有濕麻痺痔血。

生白朮

附子

乾薑

茯苓

○某三舌印身痛足趾浮腫從太谿穴水流如注此濕邪伏

於足少陰當用溫蒸陽氣為主

肝胃濕熱

鹿茸 淡附子 草果 兔絲子 茯苓

楊 厥陰為病必錯雜不一瘧痢之後肝臟必虛發症左

脇有痞腹中塊礪外堅脇下每常汨汨有聲惡虛就實

常有寒熱胃中不知飢而又嘈雜吞酸脉長而數顯然

厥陰陽明濕熱下滲前陰陽縮而為濕熱症也議用升

發陽明胃氣滲泄厥陰濕熱其症自愈

蒼朮 半夏 茯苓 橘紅 通草

當歸 柏子仁 沙蒺藜 川棟子 茴香

卽丸方

浦氏 胸膈迷漫胃痛嘔食肢節屈曲處冷痛經落後來時

濕鬱肢節冷痛

周身腰脊不舒脉弦沉痛即便澹此濕鬱阻閉氣血不行用藥先須斷酒

生茅朮 炮黑川烏 薑汁 白芥子

厚朴 廣皮 萆撥 茯苓

濕熱入經絡為痺

徐 温瘧初愈驟進濁膩食物濕聚熱蒸蘊於經絡寒戰

熱熾骨節煩疼舌起灰滯之形向即痿黃色顯然濕熱

為痺仲景謂濕家忌投發汗者恐陽傷變病蓋濕邪重

着汗之不却是苦味辛通為要耳

防已 杏仁 滑石 醋炒半夏

連翹 山梔 苡仁 野赤豆皮

某^四風暑濕渾雜。氣不主宣。咳嗽頭脹。不飢。右肢若廢。法

當通陽驅邪。

杏仁 三錢

苡仁 三錢

桂枝 五分

生薑 七分

厚朴 一錢

半夏 一錢

漢防已 一錢

白蒺藜 二錢

濕鬱經
脉痛

某

汗多身痛。自利小溲全無。胸腹白疹。此風濕傷於氣

分。醫用血分涼藥。希冀熱緩。殊不知濕鬱在脉。為痛。濕

家本有汗不解。

苡仁

竹葉

白蔻仁

滑石

茯苓

川通草

濕為重濁有質之邪。若從外而受者。皆由地中之氣

古

濕

垂

升騰從內而生者。皆由脾陽之不運。雖云霧露雨濕。上先受之地中潮濕。下先受之。然霧露雨濕。亦必由地氣上升而致。若地氣不升。則天氣不降。皆成燥症矣。何濕之有其傷人也。或從上。或從下。或遍體皆受。此論外感之濕邪。着於肌軀者也。此雖未必卽入於臟腑。治法原宜於表散。但不可大汗耳。更當察其兼症。若兼風者。微微散之。兼寒者。佐以溫藥。兼熱者。佐以清藥。此言外受之濕也。然水流濕。火就燥。有同氣相感之理。如其人飲食不節。脾家有濕。脾主肌肉四肢。則外感肌軀之濕。亦漸次入於臟腑矣。亦有外不

受濕而但濕從內生者。必其人膏粱酒醴過度。或嗜飲茶湯太多。或食生冷瓜果及甜膩之物。治法總宜辨其體質陰陽。斯可以知寒熱虛實之治。若其人色蒼赤而瘦。肌肉堅結者。其體屬陽。此外感濕邪。必易於化熱。若內生濕邪。多因膏粱酒醴。必患濕熱。濕火之症。若其人色白而肥。肌肉柔軟者。其體屬陰。若外感濕邪。不易化熱。若內生之濕。多因茶湯生冷太過。必患寒濕之症。人身若一小天地。今觀先生治法。若濕阻上焦者。用開肺氣。佐淡滲通膀胱。是即啟上開。開支河導水勢下行之理也。若脾陽不運。濕滯中焦。

者用木朴薑半之屬以溫運之以苓澤腹皮滑石等
溲泄之亦猶低窠濕處必得烈日晒之或以剛燥之
土培之或開溝渠以泄之耳其用藥總以苦辛寒治
濕熱以苦辛溫治寒濕槩以淡溲佐之或再加風藥
甘酸膩濁在所不用總之腎陽充旺脾土健運自無
寒濕諸症肺金清肅之氣下降膀胱之氣化通調自
無濕火濕熱暑濕諸症若夫失治變幻則有腫脹黃
疸泄瀉淋閉痰飲等類俱於各門兼參之可也

華岫

雲

燥

○氣分熱

某

脈右數大議清氣分中燥熱

桑葉

杏仁

大沙參

象貝母

香豉

黑梔皮

○肺胃津液虛

卞

夏熱秋燥致傷都因陰分不足

冬桑葉

王竹

生甘草

白沙參

生扁豆

地骨皮

麥冬

花粉

○火鬱上焦

某

燥火上鬱齟臬啞癩當辛涼清上

薄荷梗

連翹殼

生甘草

黑梔皮

...
...
...

燥

...

心陽過動傷液

桔梗

菘豆皮

王^六老人舌腐肉泚肌枯心事繁冗陽氣過動致五液皆

潤而為燥冬月無妨夏月深處林壑心境凝然可以延年每早服牛乳一杯

胃陰虛

陳秋燥復傷宿恙再發未可補瀆姑與甘藥養胃

麥冬

玉竹

北沙參

生甘草

茯神

糯稻根鬚

某上燥治氣下燥治血此為定評今陽明胃腑之虛因

久病嘔逆投以辛耗破氣津液劫傷胃氣不主下行致腸中傳送失司經云六腑以通為補半月小效全在一

通補工夫。豈徒理燥而已。議甘寒清補胃陰。

鮮生地 天冬 人參 甜梨肉 生白蜜

熱劫陰液

張 脉數虛舌紅口渴上鬱乾涸腹熱不飢此津液被劫

陰不上承心下温温液液用炙甘草湯

炙甘草 阿膠 生地 麥冬

人參 麻仁

某氏心中煩熱正值經來而熱渴不已若清肺氣大謬用

復脉法

炙甘草 生地 阿膠 麥冬

棗仁 蔗漿

○某陽津陰液重傷餘熱淹留不解臨晚潮熱舌色若赭
頻飲救亢鍊句陽焚燎究未能解渴形脈俱虛難投白虎議
以仲景復脈一法為邪少虛多使少陰厥陰二臟之陰
少甦冀得胃關復振因左關尺空數不藏非久延所宜
耳

人參

生地

阿膠

麥冬

炙草

桂枝

生薑

大棗

燥為乾澀不通之疾內傷外感宜分外感者由於天
時風熱過勝或因深秋偏亢之邪始必傷人上焦氣
分其法以辛涼甘潤肺胃為先喻氏清燥救肺湯及

先生用玉竹門冬桑葉薄荷梨皮甘草之類是也。內傷者乃人之本病。精血下奪而成。或因偏餌燥劑所致。病從下焦陰分先起。其法以純陰靜藥。柔養肝腎爲宜。大補地黄丸。六味丸之類是也。要知是症大忌者苦瀉。最喜者甘柔。若氣分失治。則延及於血。下病失治。則槁及乎上。喘咳痿厥。三消噫膈之萌。總由此致。大凡津液結而爲患者。必佐辛通之氣味。精血竭而爲患者。必藉血肉之滋填。在表佐風藥而成功。在腑以緩通爲要務。古之滋燥養營湯。潤腸丸。五仁湯。瓊玉膏。一炁丹。牛羊乳汁等法。各有耑司也。

邵新甫

Vertical columns of text, likely bleed-through from the reverse side of the page. The text is extremely faint and illegible due to the quality of the scan and the nature of the paper.

疫

萬邪入
臙漸干
心胞

朱

疫癘穢邪。從口鼻吸受。分布三焦。瀰漫神識。不是風寒客邪。亦非停滯裏症。故發散消導。卽犯劫津之戒。與傷寒六經大不相同。今喉痛丹疹。舌如硃。神躁昏。上受穢邪。逆走臙中。當清血絡。以防結閉。然必大用解毒。以驅其穢。必九日外。不致昏憤。冀其邪去正復。

犀角

連翹

生地

玄參

菖蒲

鬱金

銀花

金汁

姚

疫毒。口糜。丹疹。喉啞。治在上焦。

犀角

鮮生地

玄參

連翹

石菖蒲

銀花

金汁

至寶丹

譚

口鼻吸入穢濁。自肺系漸于心胞絡。初病喉痛舌燥。

最怕竅閉神昏之象。疫毒傳染之症。不與風寒停滯同

法。

玄參

連翹

鬱金

銀花

石菖蒲

龍葉

射干

牛蒡

冲入真白金汁一杯

楊

吸入疫癘。三焦皆受。久則血分漸瘀。愈結愈熱。當以

鹹苦之製。仍是輕揚理上。做古大製小用之意。

玄參

西瓜翠衣

金銀花露

瑩白金汁

金^氏人靜則神昏。癘邪竟入臚。王先生方甚妙。愚意兼以

芳香宣竅逐穢。至寶丹

疫癘一症。都從口鼻而入。直行中道。流布三焦。非比傷寒六經。可表可下。夫疫爲穢濁之氣。古人所以飲芳香。採蘭草以襲芬芳之氣者。重滌穢也。及其傳變。上行極而下。下行極而上。是以邪在上焦者。爲喉啞。爲口糜。若逆傳臚中者。爲神昏舌絳。爲喉痛丹疹。今觀先生立方。清解之中。必佐芳香宣竅逐穢。如犀角。菖蒲。銀花。鬱金等類。兼進至寶丹。從表透裏。以有靈之物。內通心竅。搜剔幽隱。通者通。鎮者鎮。若邪入營。

中三焦相溷。熱愈結。邪愈深者。理宜鹹苦大製之法。仍恐性速直走在下。故用玄參金銀花露金汁瓜萸皮輕揚理上。所謂倣古法而不泥其法者也。考是症。惟張景岳喻嘉言吳又可論之最詳。然宗張喻二氏。恐有遺邪留患。若宗吳氏。又恐邪去正傷。惟在臨症權衡。無盛盛無虛虛。而遺人天殃。方不愧爲司命矣。

鄒滋九

癩痧疹瘰

三焦伏熱

張 伏氣熱蘊三焦。心凜熱發。煩渴遍體赤癩。夜躁不寐。

兩脉數搏

羚羊角

犀角

連翹心

玄參心

鮮生地

金銀花

花粉

石菖蒲

又 寒熱必有形象攻觸。及於胃脘之下。口渴喜飲煖湯。癩已發現。病不肯退。此邪氣久伏厥陰之界矣。

桂枝

川連

黃芩

花粉

牡蠣

枳實

濕温

嚴。濕温雜受。身發斑疹。飲水渴不解。夜煩不成寐。病中

強食。反助邪威。議用涼膈疎斑方法。

連翹

薄荷

杏仁

鬱金

枳實汁

炒牛蒡

山梔

石膏

又。舌邊赤。昏譫。早輕。夜重。斑疹隱約。是温濕已入血絡。

夫心主血。邪干膻中。漸至結閉。為昏瘖之危。苦味沉寒。竟入中焦。消導辛温。徒劫胃汁。皆温邪大禁。議清疎血。分輕劑以透斑。更參入芳香逐穢。以開內竅。近代喻嘉言申明戒律。宜遵也。

犀角

玄參

連翹

銀花

石菖蒲 先煎至六分後和入雪白金汁一杯臨

服研入周少川牛黃丸一丸

江 温邪發疹。濕熱內蘊。便閉不通。先開上焦。

杏仁 蘇子 栝蒌皮 紫苑 山梔

風温 某 風温發痧。

薄荷 連翹 杏仁 牛蒡子

桔梗 桑皮 甘草 山梔

某 風温發疹

薄荷 赤芍 連翹 牛蒡子

桔梗 桑皮 甘草 山梔

熱邪入胞絡

費

暴寒驟加。伏熱更熾。邪鬱則氣血壅遏。痧疹不肯外達。痰氣交阻。神迷喘促。漸入心胞絡中。有內閉外脫之憂。熱注下迫。自利粘膩不爽。法當開其結閉。消毒解其膾中之壅。必得神清。方保無變。

連翹心

飛滑石

石菖蒲

炒金銀花

射干

通草

煎化牛黃丸一九

濕熱鬱肺

朱二十 痧後痰多。咳嗽氣急。

蘆根

一兩

杏仁

一錢半

桔梗

一錢

飛滑石

一錢半

桑皮

八分

通草

一錢

某

痧後伏火未清。內熱身痛

傷 痧後陰

王竹

白沙參

地骨皮

川斛

麥冬

生甘草

某 痧後熱不止。陰傷。

生白芍

炙甘草

生扁豆

炒麥冬

川斛

穀芽

外寒內熱

章

涼風外襲。伏熱內蒸。秋金主令。內應乎肺。喘咳身熱。

始而晝熱。繼而暮熱。自氣分漸及血分。齟肉紫而肌壘。

發疹。辛寒清散為是。

薄荷

連翹

石膏

淡竹葉

杏仁

桑皮

苡仁

癩痧疹癩

空

吳病在暴冷而發肌表頭面不透。是外蘊為寒。內伏為

熱。肺病主衛。衛氣分兩解為是。

麻黃

石膏

牛蒡子

枳殼汁

杏仁

射干

桔梗

生甘草

陽明血熱

尹

環山燥裂而痛。頭面身半以上。發出癩疹赤絞。乃陽

明血熱。久蘊成毒。瘦人偏熱。頗有是症。何謂醫人不識。

犀角地黄湯

溫邪內陷

江

溫邪自利。癩疹。

黃芩

連翹

牛蒡

桔梗

香豉

薄荷

杏仁

橘紅

通草

胆火胃
濕鬱蒸

李二發癩熱腫。獨現正面。每遇九十月大發。五六月漸愈。

七八年來如是。因思夏令。陽氣宣越。營衛流行無間。秋

冬氣凜外薄。氣血凝滯。此濕熱漫無發泄。乃少陽木火

之鬱。及陽明蘊蒸之濕。故上焦尤甚耳。法以辛涼佐以

苦寒。俾陽分鬱熱得疎。庶幾發作勢緩。

夏枯草

鮮菊葉

苦丁茶

鮮荷葉邊

羚羊角

黑梔皮

鬱金

苡仁

風濕

唐四麻木。忽高腫發癩。必有風濕襲入皮膜。乃軀殼病。昔

人每以宣行通劑

片薑黃

羚羊角

川桂枝

撫芎

命登百可發

癩痧疹癩

奎

半夏

白芥子

某^十九風塊瘙癢。咳嗽腹痛。邪着表裏。當用雙和。

牛蒡子

杏仁

連翹

桔梗

桑枝

象貝母

煎藥送通聖丸

瘰者。有觸目之色。而無碍手之質。即稠如錦紋。稀如蚊跡之象也。或佈於胸腹。或見於四肢。總以鮮紅起發者為吉。色紫成片者為重。色黑者為凶。色青者為不治。蓋有諸內而形諸外。可決其臟腑之安危。邪正之勝負也。殆傷寒瘟疫諸症。失於宣解。邪蘊於胃腑。而走入營中。每有是患耳。考方書之治。其法不一。大

抵由失表而致者。當求之汗。失下而致者。必取乎攻。火甚清之。毒甚化之。營氣不足者。助其虛而和之。托之。至於陰癩一說。見象甚微。若必指定些些之癩點。爲陰。猶恐不能無誤。想前人此例。無非覺後人勿執見癩爲實熱之義也。吾故曰。必叅之脈象。及兼證方安。痧者。疹之通稱。有頭粒而如粟象。癰者。卽疹之屬。腫而易痒。須知出要周勻。沒宜徐緩。不外乎太陰陽明之患。故繆氏揣以肺胃論治爲精也。若先生之法。本乎四氣。隨其時令之勝復。酌以辛涼辛勝。及甘寒苦寒鹹寒淡滲等法而治之。凡吾幼科諸友。於此尤

當究心焉。邵新甫

痰

痰火

汪五宿哮久矣不發。心悸震動。似乎懊懷之象。此屬痰火。

治以宣通鬱遏。勿徒呆補。

半夏

川連

石菖蒲

蛤粉

枳實

茯苓

川鬱金

橘紅

竹瀝薑汁法丸

劉

痰火鬱遏。氣滯。吸烟上熱助壅。是酒肉皆不相宜。古

稱痰因氣滯熱鬱。治當清熱理氣為先。

川連

白朮

枳實

厚朴

茯苓

半夏

淡薑湯泛丸

沈三四痰火久嗽。海蛤丸

張媪痰火風眩暈防仆跌。

明天麻 炒半夏 茯苓 橘紅

羚羊角 鈎藤 竹瀝

陳媪老年痰火咳逆痰有穢氣。

蘆根 苡仁 桃仁 絲瓜子

葶藶 大棗

又下虛不納。濁泛嘔逆痰穢氣。

熟地炭 紫衣胡桃肉 炒杞子 炒牛膝

川斛 茯神

某 痰火上逆蒙竅。耳鳴頭暈。一陳加天麻鈎藤甘菊

莢羊蕒皮。

某 夏至節兩關脈弦長。五火燔燎而肝陽胃陽尤甚。動

怒抽掣為肝病。食辛香厚味即病至。胃病使然。痰火根深。非頃刻可掃除。惟靜養勿恚忿。薄味以清裏。此病發之勢必緩。由漸加功議藥。乃近理治法。

羚羊角 犀角 川連 鬱金 山梔

北秦皮 牛黃 胆星 橘紅 生石膏

寒水石 金箔 方諸水法 九竹葉燈心湯送

何 嫗 診脈右關弦滑。痰多。舌乾微強。語言似蹇。蓋因痰火

唇登... 痰... 突

上蒙津液不得上承。高年頗慮風痺。宜清上宣通。勿進
剛燥及膩滯之藥。

半夏 金石斛 橘紅 黑山梔 茯苓

鬱金 生甘草 石菖蒲 竹瀝 薑汁

痰熱內閉神昏

張 昏昏如寐。神憤如迷。痰熱內閉。勢非輕渺。

半夏 石菖蒲 桔梗 枳實

鬱金 橘紅 竹瀝 薑汁

鬱痰

某 鬱痰

半夏麴 鬱金 石菖蒲 明天麻

白茯苓 橘紅 茯苓 鉤藤

陶脈左弦堅搏痰多。食不易運。此鬱慮已甚。肝侮脾胃。有年最宜開懷。不致延及噎膈。

半夏

薑汁

茯苓

杏仁

鬱金

橘紅

又脈如前。痰氣未降。前方去杏仁加白芥子。

濕熱蒸痰

金四六濕熱內蒸。痰火日夥。根本漸怯。陽泄為汗。陰泄遺濁。

酒客喜於爽口食物。醫藥中滋膩補方。決不適用也。

豬肚丸方

葉久寓南土。水穀之濕。蒸熱聚痰。脈沉弦。目黃。肢末易

有瘡疾。皆濕熱盛。致氣隧不得流暢。法當苦辛寒清裏

通肌。倣前輩痰因熱起。清熱爲要。

生茅朮 黃柏 瓜萇實 山梔 萊服子

川連 半夏 厚朴 橘紅 竹瀝薑汁丸

某 病後厚味蒸痰。

風化硝 瓜萇仁霜 枳實 鬱金

生茯苓 薑汁炒山梔 竹瀝法丸

汪 脈脹濕阻熱痰。

半夏 茯苓 黑山梔 橘紅

製茯苓 遠志 降香

徐 陽動內風。用滋養肝腎陰藥。壯水和陽。亦屬近理。夏

水火犯
胃虛

季脾胃主司肝胆火風。易於貫膈犯中。中土受木火之
侮。陽明脈衰。痰多。經脈不利矣。議清少陽鬱熱。使中宮
自安。若畏虛滋膩。上中愈實。下焦愈虛。二陳去甘草加
金斛桑葉丹皮。

又 脈左浮弦數。痰多。腕中不爽。煩則火升眩暈。靜坐神
識安舒。議少陽陽明同治。

羚羊角

連翹

廣皮

炒半夏麩

黑山梔皮

香豉

又 脈兩手已和。惟煩動恍惚欲暈。議用靜藥。益陰和陽。

人參

熟地

天冬

金箔

肝腎虛
上有痰
火

汪·痰火上盛。腎氣少攝。朝用通攝下焦。暮服清肅上焦。

方法。

羚羊角

半夏

茯苓

橘紅

黑梔皮

鬱金

苦丁茶煎湯法丸暮服

熟地

淡菴蓉

杞子

五味

牛膝

茯苓

遠志

線膠

蜜丸早服

曹五色鮮明。屬上有痰飲。蓋上實則下虛。半百年歲未得

種玉。診得脈左小不靜。右部弦滑。法當清肺胃之熱痰。

益腎肝之精血。倣曼倩衛生方法。

燕窩膠

甜梨膏

人參

黃芪

麥冬

多腎虛痰

山藥

茯苓

於朮

黃節

黑節

鹿尾膠

羊內腎

淡菴蓉

故紙

胡桃蒸

青鹽

芮

向來痰多食少而參朮服餌未合此稟質為陽不受

溫熱剛燥之劑上年冬季溫煖入春痰愈多體中微倦

由乎藏聚未固春氣自地升舉之徵法當攝腎固真乃

治痰之本方為有益

熟地

茯苓

補骨脂

胡桃肉

杞子

五味

牛膝

遠志

車前

蜜丸

痰症之情狀變幻不一古人不究標本每著消痰之

方立消痰之論者甚多後人遵其法而用之治之不

驗。遂有稱痰爲怪病者矣。不知痰乃病之標。非病之本也。善治者治其所以生痰之源。則不消痰而痰自無矣。余詳考之。夫痰乃飲食所化。有因外感六氣之邪。則脾肺胃升降之機失度。致飲食輸化不清而生者。有因多食甘膩肥腥茶酒而生者。有因本質脾胃陽虛濕濁凝滯而生者。有因鬱則氣火不舒而蒸變者。又有腎虛水泛爲痰者。此亦因土衰不能制水。則腎中陰濁上逆耳。非腎中真有痰水上泛也。更有陰虛勞症。龍相之火上炎燻肺。以致痰嗽者。此痰乃津液所化。必不濃厚。若欲消之。不惟無益。而徒傷津液。

其餘一切諸痰。初起皆由濕而生。雖有風火燥痰之名。亦皆因氣而化。非風火燥自能生痰也。其主治之法。惟痰與氣一時壅閉咽喉者。不得不暫用豁痰降氣之劑以開之。餘皆當治其本。故古人有見痰休治痰之論。此誠千古之明訓。蓋痰本飲食濕濁所化。人豈能禁絕飲食。若欲消之。由於外邪者。邪散則痰或可清。如寒痰溫之。熱痰清之。濕痰燥之。燥痰潤之。風痰散之。是也。若涉本原者。必旋消旋生。有至死而痰仍未清者矣。此乃不知治本之故耳。今觀案中治法。有因鬱因火者。必用開鬱清火爲君。以消痰佐之。

有因濕因熱者則用燥濕清熱畧佐化痰之品若因
肝腎虛而生痰者則純乎鎮攝固補此真知治痰之
本者矣若因寒因濕者更當於痰飲門兼參而治之

華岫雲

痰飲

外寒引
動宿飲
上逆

某一六高年衛陽式微寒邪外侵引動飲邪上逆咳嗽形寒

仲景云治飲不治咳當以溫藥通和之

杏仁 三錢

粗桂枝 一錢

淡乾薑

半一錢

茯苓 三錢

苡仁 三錢

炙草 四分

周 向有耳聾鳴响是水虧木火蒙竅冬陽不潛亦屬下

元之虛但今咳聲喉下有痰音脇痛卧着氣衝乃衝陽

升而痰飲泛脈浮當此驟冷恐有外寒引動內飲議開

太陽以肅上

雲茯苓

粗桂枝

乾薑

五味

同薑打

白芍

炙草

當午時服

某^二新涼外束。肺受寒冷。氣餒不降。宿飲上干。而病發矣。

法當暖護背心。宿病可却。

淡生薑粉

半夏

蛤蜊粉

茯苓

桂枝木

苡仁煎湯

某^五背寒咳逆。此屬飲象。先當辛通飲邪。以降肺氣。

飲上逆
肺氣不
降

鮮枇杷葉

杏仁

茯苓

橘紅

生薑

半夏

某^五脈右大弦。氣喘咳唾濁沫。不能着枕。喜飲湯水。遇寒

病發。此屬飲邪留於肺衛。如見咳。投以清潤。愈投愈劇矣。
葶藶子 山東大棗

徐氏 痰飲上吐。喘不得卧。乃温邪阻蔽肺氣。氣不下降。壅滯不能着右。議用宣通。開氣分方法。

小青龍去細辛麻黃加苡仁白糖炒石膏

沈姬 冬温。陽不潛伏。伏飲上泛。仲景云。脈沉屬飲。面色鮮

明爲飲。飲家咳甚。當治其飲。不當治咳。綠高年下焦根蒂已虛。因温煖氣泄。不主收藏。飲邪上擾乘肺。肺氣不降。一身之氣交阻。薰灼不休。絡血上沸。經云。不得卧。卧則喘甚。痺塞。乃肺氣之逆亂也。若以見病圖病。昧於色

診候氣必致由咳變幻。腹腫脹滿。漸不可挽。明眼醫者。勿得忽為泛泛可也。茲就管見。畧述大意。議開太陽。以

杏仁

茯苓

苡仁

炒半夏

桂枝木

石膏

白芍

炙草

方氏冷暖失和。飲泛氣逆。為浮腫喘咳。腹脹。卧則衝澆。議用越婢方。

石膏

杏仁

桂枝

炒半夏

茯苓

炙草

脾胃陽虛

施四七勞煩太甚。胃陽受傷。外衛單薄。怯寒畏冷。食物少運。

痰飲內起。氣阻濁凝。胸背皆痛。辛甘理陽已效。當此長夏。脾胃主令。崇其生氣。體旺病可全好。

六君子加益智木香

黃三身居沿海。氛障霧露。客邪侵入清陽。陽傷畏寒。久嗽。

病人不知却病護身。猶然用力承辦。裏結飲邪。沉痼不

却病 茯苓桂枝湯

胡四脈沉而微。微則陽氣不足。沉乃寒水陰凝。心痛怔忡。

漸及兩脇下墜。由陽衰不主運行。痰飲聚氣欲阻。致痛之來。其心震之謂。亦如波撼岳陽之義。議用外臺茯苓

飲合桂苓方。

人參

茯苓

半夏

枳實

桂枝

薑汁

白六脈沉小弦。為陰濁飲邪。稟質陽不充旺。胸中清氣不

得舒展曠達。偶觸入寒冷。或悞進寒物。飲邪暴冷。凝結

胸痞。當平日食物。忌用酒肉腥濁。便清陽流行。常服仲

景苓桂朮甘湯百劑。若病來因冷。即服大順散。

戴病去。神已爽慧。但本脈帶弦。平素有飲。為陽氣不足

之體。年紀漸多。防有風痺。此酒肉宜少用。勞怒當深戒

矣。議外臺茯苓飲方。

人參

茯苓

廣皮

枳實

半夏

金石斛

朱^四九^九煩勞大過。陽傷痰飲日聚。陽蹻脈空。寤不成寐。衛陽

失護。毛髮自墜。乃日就其衰奪矣。初進通飲。濁以甦陽。

接服外臺茯苓飲

吳^氏脈弦背中冷。左偏微痛。食少欲嘔。四肢牽強。此飲邪

內結。議通陽氣。

桂枝

茯苓

半夏

薑汁

炙草

大棗

某眩暈惡心。胸脘不爽。脈右弦左弱。面色紅亮。此乃痰

飲上泛。有厥中之事。

炒半夏

製蒺藜

橘紅

煨天麻

石菖蒲

茯苓

薑汁

尤

口中味淡是胃陽虛。夫濁陰下降痛緩。向有飲濕為

患。若不急進溫通理陽。濁陰必致復聚。議大半夏湯法。

人參

半夏

茯苓

枳實

薑汁

牌陽不運

張

二七

酒客穀少中虛。常進疎散表藥。外衛之陽亦傷。其痰

飲發時。胸中痞塞。自述或飢遇冷病來。其為陽氣受病

何疑。不必見痰搜逐。但護中焦脾胃。使陽氣健運不息。

陰濁痰涎。焉有竊踞之理。

生於朮

川桂枝

茯苓

淡薑渣

苡仁

澤瀉

薑棗湯法丸

王^三脈沉為痰飲。是陽氣不足。濁陰欲蔽。當以理脾為先。俾中陽默運。即仲景外飲治脾之意。

苓桂朮甘加半夏陳皮水法丸

某^三舌白。咳逆不渴。非飲象而何。宜宣溫藥和之。

杏仁

苡仁

半夏

乾薑

粗桂枝

茯苓

厚朴

炙草

某食後腕中痞阻。按之漉漉有聲。手麻脇痛。心煩。耳目昏眩。是氣不流行。痰飲內聚中焦。用桂苓丸竹瀝薑汁

法丸

痰飲

圭

又 桂枝

人參

茯苓

半夏

廣皮

炙草

黃 味過甘膩。中氣緩。不主運。延綿百天。聚氣結飲。東垣云。病久髮不焦。毛不落。不食不飢。乃痰飲爲患。飲屬陰類。故不渴飲。仲景五飲互異。其要言不繁。當以溫藥和之。通陽方法。固無容疑惑。大意外飲宜治脾。內飲治腎。是規矩準繩矣。議用苓桂朮甘湯。

某 形體似乎壯實。陽氣外泄。畏風怯冷。脾陽消乏。不可健運。水穀悍氣。蒸變痰飲。隧道日壅。上實下虛。仲景謂飲邪當以溫藥和之。苓桂朮甘得效。從外飲立方。

人參

淡附子

生於朮

枳實

茯苓

澤瀉

荆瀝薑汁法丸

某

老人久嗽妨食。議以外飲治脾。

苓桂朮甘湯

脾腎陽虛

王

三四

脈沉背寒。心悸如墜。形盛氣衰。漸有痰飲內聚。當溫

通補。陽方復辟。斯飲濁自解。

人參

淡附子

乾薑

茯苓

生於朮

生白芍

馮

陽虛則形寒汗出。痰飲痞聚。都是陰濁成形。乘陽氣

衰微。致上干竊踞。古人法則。必通其陽以掃陰氛。但宿

病無急攻方。况平素憂鬱。氣滯血滯。久耗之體。不敢純

剛。防劫液耳。

人參

熟附子

淡乾薑

炒川椒

川桂枝

烏梅肉

生白芍

另真武丸三兩

程

四八

左脈沉靜。右脈微弦。四旬清陽日薄。脾臟鼓運漸遲。

加以煩心縈思。水穀悍氣蘊蒸痰飲。仲景謂外飲當治

脾陽。况中年常有遺泄之患。按脈非龍相之動搏。議固

下益腎。轉旋運脾二方。分早晚服。早服從還少聚精七

寶參用丸方

熟地

菴蓉

枸杞

五味

萸肉

茯神

山藥

菟絲

覆盆

魚膠

菖蒲

遠志

龍骨 青鹽 熟蜜同棗肉搗丸早服五七錢

茅朮 於朮 半夏 茯苓 廣皮 生益智

白痰 鈎藤 薑棗湯泛丸晚服三錢開水下

徐 清湯未展濁陰欲踞久延必結痰飲議用真武丸二

錢五分人參一錢煎湯送胃陽得震濁當退避矣十服

某 脈沉弦飲泛嗆咳乃下虛無以制上議早服腎氣丸

攝納下焦散失以治水泛之飲午服外臺茯苓飲轉旋

中焦使食不致釀痰茯苓飲去朮

某 一七 高年久嗽脈象弦大寤不成寐乃陽氣微瀉濁飲上

泛仲景云進溫藥和之

脾胃陽 虛飲逆 咳嘔

痰飲

老

杏仁 三錢

茯苓 三錢

川桂枝 一錢

生薑 一錢

苡仁 三錢

炙草 四分

大棗 二枚

顧^二咳嗽數月。嘔出涎沫。建中不應。已非營衛損傷。視其

面色鮮明。飲食仍進。倣飲邪主治。

小半夏湯加桂枝杏仁薑汁

李^三勞傷陽氣。內起痰飲。卧着氣鈍。飲阻。其效為多。痰出

稍通勢緩。且體常汗泄。非風寒表邪不解。竝不熱渴。亦

非火炎爍金。仲景云。飲家而欬。當治飲。不當治欬。

茯苓

桂枝木

苡仁

炙草

薑汁

陳脈濇小。舌白不渴。身動嘔痰。身如在舟車中。此寒熱

攻胃致傷。逆氣痰飲互結。通補陽明為正。白朮甘草守中。未能去濕。宜緩商。

人參汁

半夏

枳實汁

茯苓

竹瀝

薑汁

馬三四肌肉豐溢。脉來沉緩。始發右季脇痛。湯飲下咽。汨汨有聲。吐痰涎頭痛。此皆脾胃陽微。寒濕滯聚。年方壯盛。不必介懷。温中佐其條達。運通為宜。

茅朮

厚朴

半夏

茯苓

陳皮

淡薑渣

胡蘆巴

炙草

薑汁泛丸

馬四甘緩頗安。辛泄不受。此陽分氣衰。將來飲邪日聚。然

痰飲

羌

臥着效多。清氣失旋。先用苓桂朮甘湯。繼進外臺茯苓
飲。

曹四七年。中年陽氣日薄。痰飲皆屬陰濁。上干清道。爲衝逆咳。

嗽。仲景治法。外飲治脾。內飲治腎。分晰甚明。昔年曾用
桂苓澤朮得效。是治支飲治法。數年真氣更衰。古人謂
飲邪當以溫藥和之。須忌治嗽肺藥。

先用小青龍去麻辛。接服外臺茯苓飲。

程五七。昔肥今瘦爲飲。仲景云。脈沉而弦。是爲飲家。男子向

脾腎陽
虛飲逆
咳嘔

老。下元先虧。氣不收攝。則痰飲上泛。飲與氣湧。斯爲效
矣。今醫見嗽。輒以清肺降氣消痰。久而不效。更與滋陰。

不明痰飲皆屬濁陰之化。滋則堆砌助濁滯氣。試述着
枕欬嗆一端。知身體卧着。上氣不下。必下衝上逆。其痰
飲伏於至陰之界。腎臟絡病無疑。形寒畏風。陽氣微弱。
而籓籬疎撤。仲景有要言不煩曰。飲邪必用溫藥和之。
更分外飲治脾。內飲治腎。不讀聖經焉知此理。

桂苓甘味湯

熟附都氣加胡桃

陳 痛久氣亂。陽微。水穀不運。蘊釀聚濕。胃中之陽日薄。
痰飲水濕必傾囊上湧。而新進水穀之氣與宿邪再聚
復出。致永無痊期。仲景云。飲邪當以溫藥和之。又云不
渴者。此為飲邪未去故也。則知理陽通陽。誠有合於聖

訓斷斷然矣。真武湯

張四痰飲喘咳。肌肉麻痺。痞脹不堪納穀。冬寒日甚。春暖

日減。全是陽氣已衰。陰濁逆干犯上。肺藥治嗽。無非辛
泄滋潤。蓋辛散則耗陽。滋清助陰濁。濁阻在陽分。氣不
肅。爲夜不得卧。小青龍意。主乎由上以泄水寒。直從太
陽之裏以通膀胱。表中裏藥也。仲景謂飲邪當以溫藥
和之。驅陰邪以復陽。一定成法。早腎氣去。更換白芍

炒查炭水法丸 晚外臺茯苓飲薑棗湯法丸

程六腎虛不納氣。五液變痰上泛。冬藏失職。此病爲甚。不
可以肺咳消痰。常用八味丸。收納陰中之陽。暫時撤飲。

用仲景桂苓味甘湯

孫未交冬至。一陽來復。老人下虛。不主固納。飲從下泛。氣阻升降。而為喘嗽。發散寒涼。苦瀉諸藥。焉得中病。仲景云。飲家而咳。當治飲。不當治咳。後賢每每以老人喘嗽。從脾腎溫養定論。是恪遵聖訓也。

桂枝 茯苓 五味子 甘草湯代水加淡薑棗

李 腸紅久病。不必攻治。今者氣衝喘嗽。腕脇痞阻。是飲濁上僭。最宜究悉。

川桂枝 七分

茯苓

三錢

乾薑

一錢

五味子

同薑合搗一錢

杏仁 半一錢

白芍

一錢

炙草

五分

生左牡蠣

三錢

腎陽虛
飲逆喘
咳嘔

吳^二壯年下元久虛。收納氣泄。每交秋冬受冷。冷氣深入。

伏飲夾氣上衝。為咳喘嘔吐。疎肺降氣不效者。病在腎

絡中也。蓋精血少壯不旺。難以搜逐。病根不去。謂此絕

慾一年。小暑艾灸。靜養一百二十天可愈。附都氣加車

前。

潘^二勞力喘甚。肩背惡寒。飲泛上逆。皆係下元虛損。莫以

喘用瀉肺等藥。薛氏八味丸。

王秋深天氣收肅。背寒喘咳。飲濁上泛。緣體中陽氣少

振。不耐風露所致。最宜煖護背部。進通陽以治飲。

茯苓

桂枝

半夏

薑汁

苡仁

炙草

又 早腎氣丸 夜真武丸

陳 脈虛微春陽地升濁陰上干喘不得卧治在少陰

人參

淡熟附子

猪胆汁

又 照前方加淡乾薑一錢半

又 脈弦暮夜濁陰衝逆通陽得效議真武法以撤其飲

人參

淡附子

生白芍

茯苓

薑汁

又 真武泄濁脘通思食能寐昨宵已有渴欲飲水之狀

考金匱云渴者飲邪欲去也當健補中陽以資納穀

人參

生於朮

淡附子

茯苓

澤瀉

又早服腎氣丸四五錢晚用大半夏湯

人參

半夏

茯苓

薑汁

董 脈弦右濡陽微惡寒飲濁上干咳吐涎沫且食減胃
衰寒疝竊踞陰濁見症豈止一端喻嘉言謂濁陰上加
於天非離照當空氛霧焉得退避反以地黃五味陰藥
附和其陰陰霾冲逆肆虛飲邪滔天莫制議以仲景熟
附配生薑法掃羣陰以驅飲邪維陽氣以立基本况尊
年尤宜急護真陽爲主

人參

茯苓

熟附子

生薑汁

南棗

戴

十二月間診得陽微濁飲上干爲咳不能卧曾用小

青龍湯減去麻黃細辛服後已得着枕而卧想更醫接
用不明治飲方法交驚蟄陽氣發泄病勢再熾頃診脈
來濡弱無神痰飲咳逆未已諒非前法可效宗仲景真
武湯法以熟附配生薑通陽逐飲立法

真武湯去白朮加人參

腎陽虛

計

不卧嗆喘。泛起白沫。都是腎病。議通太陽膀胱。

膀胱氣
降不通

茯苓

川桂枝

淡乾薑

五味子

白芍

炙草

顧 飲邪泛溢喘嗽督損頭垂身動喘甚食則腕中痞悶

卧則喘咳不得息肺主出氣腎主納氣二臟失司出納

失職議用早進腎氣丸三錢以納少陰晚用小青龍法
滌飲以通太陽經腑此皆聖人內飲治法與亂投賦補
有間矣 小青龍去麻辛甘芍加茯苓杏仁大棗

某形盛面亮脈沉弦此屬痰飲內聚暮夜屬陰喘不得
卧仲景謂飲家而咳當治其飲不當治咳今胸滿腹脹
小水不利當開太陽以導飲逆小青龍去麻辛合越婢

桂枝

半夏

乾薑

五味

杏仁

石膏

茯苓

白芍

某服三拗湯音出喘緩可見苦寒沉降之謬素多嘔逆
下血中焦必虛而痰飲留伏顯然議治其飲

桂枝湯去甘草加杏仁茯苓改仁糖炒石膏

某 太陽經氣不開小水不利下肢腫浮漸上着枕氣塞
欲坐濁飲上干竟有坐卧不安之象醫者但以肺病刻
治於理未合急用小青龍法使膀胱之氣無阻礙濁飲
痰氣自無逆冲之患矣

桂枝

杏仁

乾薑

五味

半夏

茯苓

章

伏飲陰濁上干因春地氣主升而發嘔吐不飢自然
脾胃受傷六君子宣補方法未嘗不妙今診得吸氣甚
微小溲晨通暮癢足跗浮腫其腑中之氣開闔失司最

慮中滿夫太陽司開陽明司闔濁陰瀰漫通腑即是通陽倣仲景開太陽一法

牡蠣

澤瀉

防已

茯苓

五味

乾薑

寒飲濁邪上冲腫中

張二七 喘喘哮坐不得卧神迷如呆氣降則清水寒飲邪上

冲腫中用逐飲開濁法

薑汁炒南星

薑汁炙白附子

茯苓

桂枝

炙草

石菖蒲

肺胃濕痰

某三四 咳緩痰少腕中不爽肌腠瘙癢皆濕邪未盡痰飲竊

踞之象當用六安法

杏仁 白芥子 炒半夏 茯苓

淡乾薑 橘紅

中虛濕熱

王 當年陽虛濁飲上泛喘急用真武湯丸而效因平素

嗜酒少穀中虛濕聚熱蘊蒸痰目黃齟血未可為實熱

論治議方用外臺茯苓飲減甘草佐以微苦清滲理其

濕熱以酒客忌甜故也

茯苓 四兩 人參 二兩 苡仁 四兩 枳實 一兩

半夏 二兩 廣皮 二兩 金石斛 八兩 煮汁為丸

中焦痰熱

汪 面色鮮明腕中漾漾欲嘔因鬱勃熱氣蒸為痰飲宜

暫緩參朮務清中焦熱痰

痰飲

杏仁

枳實汁

橘紅

瓜萋皮

鬱金

半夏麴

桔梗

黑梔皮

痰飲挾燥

張氏

痰飲挾燥咳喉中癢

杏仁

花粉

茯苓

象貝母

橘紅

半夏麴

降氣火不

陳媪

痰飲挾氣火上踞脘痞脹不爽宜理氣熱

半夏

茯苓

瓜萋皮

黑梔皮

橘紅

鬱金

某

脈弦右濇面亮舌白口乾不喜飲頭重岑岑然胸脘

痺塞而痛得噉氣稍舒酒客穀少中虛痰飲聚蓄當此

夏令地氣上升。飲邪挾氣上阻。清空遂令前症之來。金匱云脈弦爲飲。色鮮明者爲留飲。口乾不欲飲水者。此爲飲邪未去故也。况漉漉汗出。豈是風寒。春夏溫邪。辛溫發散爲大禁。自云身體空飄。年已六旬。又四辛散再泄其陽。不亦左乎。

半夏

薑汁

川連

吳萸

茯苓

枳實

竹瀝

哮喘伏飲

潘三遠客路途。風寒外受。熱氣內蒸。痰飲日聚於臟之外。

絡脈之中。凡遇風冷。或曝烈日。或勞碌形體。心事不寧。擾動絡中宿飲。飲泛氣逆。咳嗽。氣塞喉底胸膈。不思食。

臨證指南

痰飲

全

飲伏經絡

物着枕。噎吐稠痰。氣降自愈。病名哮喘。伏飲。治之得宜。除根不速。到老年歲。仍受其累耳。小青龍湯去細辛。

童五

六背寒。短氣。背痛。映心。貫脇。入腰。食粥噫氣。腕痞。瀉出。

黃沫。飲邪伏濕。乃陽傷竊發。此溫經通絡為要。緩用人

參

川桂枝

生白朮

炒黑濁漆

炮黑川烏

厚朴

茯苓

葉

十四

脈右弦。舌黃不渴。當心似阻。昔形壯。今漸瘦。咳久不

胸次清陽少旋支脈結飲

已。卧着則咳。痰出稍安。此清陽少旋。支脈結飲。議通上

焦之陽。

鮮薤白

瓜萇皮

半夏

茯苓

川桂枝

薑汁

楊頭中冷痛。食入不消。筋脈中常似掣痛。此皆陽微不

主流行。痰飲日多。氣隧日結。致四末時冷。先以微通胸

中之陽。

乾薤白

桂枝

半夏

茯苓

瓜萇皮

薑汁

又微通其陽已效。痰飲阻氣。用茯苓飲去廣皮加薑汁

程三三。支脈聚飲。寒月喘甚。初因寒濕而得。故食辛稍安。

支脈結飲

杏仁

半夏

厚朴

苡仁

痰飲

矣

茯苓

薑汁法丸

趙

支飲。脇痛。咳逆。

小青龍去麻辛

汪氏

支脈結飲。阻氣喘脹。入脇則痛。厥逆為眩。

茯苓

桂枝

半夏

杏仁

鬱金

糖炒石膏

黃

支脈結飲。發必喘急。病發用

桂枝

茯苓

五味

炙草

馮

懸飲流入胃中。令人酸痛。湧噫酸水。當辛通其陽以

驅飲

桂枝木

半夏

茯苓

炒黑川椒

薑汁

懸飲

又 照前方加淡附子

施 診脈右虛左小弦面色黃少華采左脇助痛五六年未愈凡久恙必入絡絡主血藥不宜剛病屬內傷勿事膩補錄仲景旋覆花湯加栝子仁歸鬚桃仁

又 初服旋覆花湯未應另更醫謂是營虛用參歸熟地桂芍炙草服後大痛醫又轉方用金鈴半夏桃仁延胡茯苓服之大吐大痛復延余治余再議方謂肝絡久病懸飲流入胃絡致痛不已議太陽陽明開闔方法

人參

茯苓

炙草

桂枝

煨薑

南棗

服苦藥痛嘔可知胃虛以參苓薑陽明用草桂開太陽并辛香入絡用薑棗通營衛生薑恐伐肝故取煨以護元氣而微開飲氣也。

又前方服之痛止議丸方。

人參

半夏

川椒

茯苓

桂枝

煨薑南棗湯丸

某夏季陽氣大升痰多嗆咳甚至夜不得卧穀味皆變大便或澹或秘診脈右大而弦議以懸飲流入胃絡用開闔導飲法。

人參

茯苓

桂枝

炙草

煨薑

南棗

又 早診脈兩手皆弦。右偏大。凡痰氣上湧。咳逆愈甚。日
來小溲少。下焦微腫。議通太陽。以撤飲邪。

人參

茯苓

桂枝

炙草

五味

乾薑

又 脈弦畧數。不渴不思飲。此飲濁未去。清陽不主運行。

前方甘溫。主乎開闔。能令胃喜。次法開太陽。以撤飲邪。

亦主陽通。據自述。心下胃口。若物阻呆滯。其濁錮陽微。

大著。其治咳滋陰。適爲陰濁橫幟矣。議用大半夏湯法。

大半夏湯加炒黑川椒。

內經止有積飲之說。本無痰飲之名。兩漢以前謂之
淡飲。仲景始分痰飲。因有痰飲。懸飲。溢飲。支飲之義。
而立大小青龍。半夏苓桂。朮甘。腎氣等湯。以及內飲
外飲諸法。可謂闡發前賢。獨超千古。與後人所立風
痰濕痰熱痰酒痰食痰之法迥異。總之痰飲之作。必
由元氣虧乏。及陰盛陽衰而起。以致津液凝滯。不能
輸布。留於胸中。水之清者。悉變爲濁。水積陰則爲飲。
飲凝陽則爲痰。若果真元充足。胃強脾健。則飲食不
失其度。運行不停。其機何痰飲之有。故仲景云。病痰
飲者。當以溫藥和之。乃後人不知痰飲之義。妄用滾

痰丸。茯苓丸。消痰破氣。或滋填膩補等法。大傷脾胃。堆砌助濁。其於仲景痰飲之法。豈不大相乖謬乎。然痰與飲。雖爲同類。而實有陰陽之別。陽盛陰虛。則水氣凝而爲痰。陰盛陽虛。則水氣溢而爲飲。故王晉三先生取仲景之小半夏茯苓。及外臺飲三湯。從脾胃二經分痰飲立治法。而先生又取仲景之苓桂朮甘。外臺茯苓飲。腎氣丸。真武湯。分內飲外飲治法。而於痰飲之症。無遺蘊矣。愚歷考先生治痰飲之法。則又有不止於此者。然而病變有不同。治法亦有異。如脾腎陽虛。膀胱氣化不通者。取仲景之苓桂朮甘湯。茯苓

苓飲。腎氣真武等法。以理陽通陽及固下益腎轉旋
運脾爲主。如外寒引動宿飲上逆及膀胱氣化不通。
飲逆肺氣不降者。以小青龍合越婢等法。開太陽膀胱
腧爲主。如飲邪伏於經絡及中虛溼熱成痰者。則有
川烏蜀漆之溫經通絡。外臺茯苓飲去甘草少佐苦
辛。清滲理濕之法。其飲邪上冲臆中及懸飲流入胃
中而爲病者。又有薑附南星菖蒲旋覆川椒等。驅飲
開濁。辛通陽氣等法。絲絲入筵。一以貫之。病情治法。
胸有成竹矣。非深於得道者。其孰能之。
鄒滋九